

古文苑

一函  
四册

古文苑卷五

宋章樵註

賦

遂初賦

并序

劉歆

字子駿向之子漢書有傳

遂初賦者劉歆所作也歆少通詩書能屬文成帝召為黃門侍郎中壘校尉侍中奉車都尉光祿大夫歆好左氏春秋欲立於學官時諸儒不聽歆乃移書太常博士責讓深切為朝廷大臣非疾求出補吏為河內太守又以宗室不宜典三河徙五原太守

詳見本傳時名儒光祿大夫龔勝以歆移書上疏乞骸骨罷及儒者師丹為大司空亦大怒奏歆改亂舊章歆由是忤執政大臣為眾儒所訕求出補吏

是時朝政已多失矣歆以論議見排擯志意不得之官

經歷故晉之域感今思古遂作斯賦以歎往事而寄已

意哀帝之世權柄下移故歆思周晉舊事有所感傷而寓意此賦

昔遂初之顯祿兮遭閭闔之開通歆自言顯仕之初君門無壅 蹠三台

而上征兮蹠踐也魁下六星曰三台即太階也 入北辰之紫宮北極環衛內曰紫宮人君

所居象北極歆為黃門侍郎 侍列宿於鉤陳兮擁太常之

又侍中加官得入侍禁中 樞極史記天宮書中宮天極星其一明者太一常居也鉤陳紫宮外營陳星歆為中壘校尉象鉤陳星擁衛宸

極 總六龍於駟房兮奉華蓋於帝側天子之駕六馬馬八尺為龍房星為天駟

華蓋星在帝座後法駕之 蓋象之皆奉車都尉所職 惟太階之侈闊兮機衡為之難

運侈闊言登進之途雜賢佞不分故乘機衡者懼魁杓之為之難運機衡皆北斗星以論政之幾要 懼魁杓之

前後兮遂隆集於河濱

以在帝旁為懼求

遭陽侯之豐沛

兮乘素波以聊戾

陽侯波神淮南子註陵陽國侯溺水而死其神能為大波豐一作豐沛波之

洵涌也言將之河內遭波神洵涌使已

聊戾而莫前以論人言沸騰為已阻蔽得玄武之嘉兆兮

守五原之烽燧

玄武北方之宿言得吉卜利北征也徙五原邊郡故言守烽燧

二乘駕而

既俟

太守有副車

僕夫期而在涂馳太行之嚴防兮

太行山在河內郡山

陽縣西北繇漢京踰太行至高都皆太行防亦關也

八天井之喬關

天井關屬高都縣

厯岡

岑以升降兮馬龍騰以起攄舞雙駟以優遊兮

詩兩驂如舞

濟

黎侯之舊居

壺關縣舊黎侯國也

心滌蕩以慕遠兮迴高都而北征

高都縣屬上黨郡至此方北行故曰迴

劇彊秦之暴虐兮弔趙括於長平

甚也文有劇秦美新趙括敗於長平卒四十萬人皆降秦秦挾詐盡阬殺之

好周文之嘉德兮

躬尊賢而下士駕四馬而觀風兮慶辛甲於長子劉向別錄辛甲

事紂七十五諫不聽而去召公與語賢之告文王親自迎

之以為公卿封於長子長子音長短之長縣名屬上黨以

上因歷周秦故境哀衰周之失權兮數辱而莫扶執孫蒯

歎其仁暴之不同于屯留兮左傳襄十七年石買孫蒯伐曹取重邱曹人愬

于屯留兮于晉十八年晉人執衛行人石買于長子執孫

蒯于屯留為曹故也屯救王師於余吾成元年晉平戎于

留縣屬上黨屯音純王劉康公邀戎遂

伐之王師敗績于徐吾公羊子曰孰過下虜而歎息兮悲

敗之蓋晉敗之也余吾縣屬上黨平公之作臺晉平公作虎祁之宮諸侯皆賀成虜

平公之作臺祁地名銅鞮縣有上虜亭下虜聚背宗周

而不卹兮苟偷樂而惰怠周之闕而夏肄是屏怠叶韻平

聲枝葉落而不省兮公族闐其無人叔向曰公室將卑其

從之肸之宗十一族惟羊舌氏在而已豈其曰不悛而俞

獲祀闐苦鵠反易豐卦闐其戶闐其無人

甚兮政委棄於家門

又曰政在家門民無所依君日不悛以樂怕憂歆因晉以傷漢也家門謂

六卿載約履而正朝服兮降皮弁以為履

權臣上僭君柄下移如冠履易位載

加諸首也禮記載琛十有二旒音戴約當作約周禮履人註約著履之頭以為行戒皮弁行禮之冠禮記皮弁日以

朝寶礫石於廟堂兮面隋和而不眠

隋珠和璧以警賢材

為國之寶面者背而不顧也項羽傳馬童面之眠與視同

始建衰而造亂兮公室由此

遂卑憐後君之寄寓兮唁靖公之銅鞮

日唁詩歸唁衛侯

靖公晉之末君三卿分晉靖公寄寓於銅鞮降為家人故憐而弔之銅鞮縣屬上黨以上歎宗周衰微晉平不能嗣

伯業以尊周室卒致晉公室卑越侯田而長驅兮

河內懷

為三卿所滅其傷漢之心切矣

悅善人之有救

縣有侯

兮勞祁奚於太原何叔子之好直兮為羣邪之所惡

惡毀也鳥

各賴祁子之一言兮幾不免乎徂落襄二十一年晉誅欒盈之黨叔向之弟羊

舌虎與焉於是囚叔向祁奚聞之見范宣子曰夫謀而鮮

過惠訓不倦者叔向有焉社稷之固也猶將十世宥之以

勸能者今壹不免其身以棄社稷不亦惑乎宣子說言諸

公而免之奚晉大夫食邑於祁縣屬太原郡徂落死也

覆美不必為偶兮時有羞而不相及注楚辭兩美其必合兮

臣俱雖韞寶而求賈兮嗟千載其焉合論語求善賈而沽

使賢者為之與不肖者諸賈讀作價新序

議之所以千載不合也昔仲尼之淑聖兮竟隘窮乎蔡陳

孔子厄於陳蔡彼屈原之貞專兮卒放沈於湘淵屈原遭

七日不火食讒去國

自沈於何方直之難容兮柳下黜而三辱柳下惠為士師

汨羅何方直之難容兮柳下黜而三辱三黜曰直道而

事人焉往蘧瑗抑而再犇兮豈材知之不足蘧伯玉名瑗

而不三黜蘧伯玉名瑗

至獻公時揚蛾眉而見妬兮固醜女之情也曲木惡直繩

凡再出奔

今亦小人之誠也。以夫子之博觀，今何此道之必然空下。

時而矐世，今自命已之取患。矐光旦反，轉目視也。方言矐目曰矐，轉目顧視亦曰矐。

上言遇合之難，又見疾者多以諭已之出處。悲積習之生，常今固明智之所別。

言積習所生，自微至著，人以為常易生，忽心惟明智見微別於未然，因過晉陽再申前意，以見六卿專政之漸。叔

羣既在阜隸，今六卿興而為桀。左傳：叔向曰：雖吾公室，今亦季世也。欒郤胥原狐續

慶伯降在阜隸，政在家門，言八族皆晉之舊臣，既降為賤官，於是祿去公室，政在大夫。趙無卹，范吉射、智瑤、荀寅、魏

多韓不信六家也。荀寅肆而顓恣，今吉射叛而擅兵，憎人

為晉卿，逞其雄桀。臣之若茲，今責趙鞅於晉陽。荀寅、士吉射奔朝，歌春秋書

叛趙鞅奔晉陽，晉人圍之，書晉趙鞅入于晉。軼中國之都

陽以叛事，並見定公十三年。晉陽縣屬太原。軼中國之都

邑今登句注。句注，山名，在陰館縣。以陵厲，歷鴈門。鴈門，郡屬并州。而入雲中。



兮雲中郡屬并州超絕轍而遠逝濟臨沃臨沃縣屬五原而遙思兮垂意

平邊都已至五原畱意邊備野蕭條以寥廓兮陵谷錯以盤紆飄寂

寥以荒眴兮眴音勿猶冥莫也沙埃起而杳冥迴風育其飄忽兮

迴颭颭之泠泠薄涸凍之凝滯兮苒谿谷之清涼育倏也颭颭動

搖貌音占冷冷風聲音令薄傍各反迫也苒敷勿反披也漂積雪之皚皚兮涉凝露之

隆霜揚電霰之復陸兮慨原泉之凌陰激流斯之漉淚兮

凌音陵斯音斯風俗通積冰曰凌冰流曰斯漉音奈淚音戾窺九淵之潛淋颯悽愴以

慘怛兮憾風漻以冽寒獸望浪以穴竄兮浪音狼望浪怖駭貌鳥脇

翼之浚浚浚與竣同伏也音遜山蕭瑟以鷓鳴兮樹木壞而哇吟莊

所謂地籟地坼裂而憤忽急兮石捌破之喑喑捌百鍤反喑魚咸反

天烈烈以厲高兮廖瑋窗以梟窄勞鴈邕邕以遲遲兮野

鶴鳴而嘈嘈望亭遂之噉噉兮飛旗幟之翩翩回百里之

無家兮路修遠之縣縣以上述五原景物於是勒障塞而固守兮

奮武靈之精誠趙武靈王排羣臣之議身胡服教民騎射以備邊事見戰國策五原故趙地也據

趙奢之策慮兮威謀完乎金城趙奢趙之良將也嘗以堅壁破秦軍事具史記金城

言守之固見賈誼策外折衝以無虞兮內撫民以永寧既邕容以自

得兮唯惕懼於空寒楚辭天問帝何空之注空一作篤空寒猶言隆寒也攸潛温之

立室兮滌濁穢於太清反情素於寂漠兮居華體之冥冥

玩書琴以條暢兮考性命之變態運四時而覽陰陽兮總

萬物之珍怪雖窮天地之極變兮曾何足乎留意長恬淡

以懽娛兮固賢聖之所喜亂曰魯語正考父校商之名頌十二篇以那為首其輯之

亂曰云云注篇義既成撮其大要為亂辭王充論衡讖書

云董仲舒亂我書蓋孔子言也孔子曰師摯之始闢雖之

亂洋洋乎盈耳哉亂者終孔子言也孔子生周始其本處

仲舒生漢終其末賦頌篇下其有亂曰章者蓋其類也

幽潛德含聖神兮抱奇內光自得真兮寵幸浮寄奇無常

兮奇讀為奇偶之奇惟奇故無常漢書李廣數奇寄之去留亦何傷兮大人之度

品物齊兮舍位之過忽若遺兮此言在人者爵祿之位求位得位固

其常兮此言在已者當處之位守信保己比老彭兮論語竊比於我老彭

### 首陽山賦

杜篤字季雅京兆杜陵人

史記伯夷叔齊孤竹君之二子也聞西伯昌善養

老蓋往歸焉及西伯卒武王伐紂叩馬而諫武王

已平殷亂天下宗周夷齊恥之義不食周粟隱於首陽山采薇食之餓死

嗟首陽之孤嶺形勢窟其盤曲面河源而抗巖

馬融曰首陽山在河

東蒲坂華山之北河曲之中

隴墀隈而相屬長松落落卉木蒙蒙青羅

落漠而上覆穴溜滴瀝而下通高岫帶乎巖側洞房隱於

雲中忽吾覩兮二老時采薇以從容於是乎乃訊其所求

問其所修州域鄉黨親戚匹儔何務何樂而並茲遊矣二

老乃答余曰吾殷之遺民者也厥胤孤竹作蕃北湄

伯嗣也漢

地理志遼西郡令支縣有孤竹城註故伯夷國也紂都朝歌孤竹在北

少名叔齊長曰伯夷

聞西伯昌之善政育年艾於黃耇遂相攜而隨之

艾斑白也黃耇

老人也詩黃耇鮐背孟子曰盍歸乎來吾聞西伯善養老者

冀寄命乎餘壽而天命之

不常伊事變而無方昌服事而畢命

三分天下有其二以服事殷

子忽

覲其不祥子武王也未終喪之君稱乃興師於牧野地名泰誓

武王與受戰于牧野遂干戈以伐商乃棄之而來遊誓不步於其鄉

余閉口而不食並卒命乎山傍

終南山賦賦一作頌

班固字孟堅扶風茂陵人

漢書地理志右扶風武功縣太壹山古文以為終南毛氏詩註終南周之名山中南也

伊彼終南巋巋嶙峋巋區韋反巋才結反高峻也嶙峋力因反困居倫反盤旋也槩青宮

觸紫宸李善注曹植詩承露槩太清槩與抗同古字抗摩也青宮紫宸天帝之居言山高峻上極于天嶽

崑鬱律萃于霞芬芬與氛同曖曖晦靄若鬼若神曖曖音愛逮雲

霧吐吞障蔽天日變化殊形宋玉高唐賦從從莘莘若生於鬼若生於神傍吐飛瀨上挺修林

立泉落落瀑布泉也周庾信終南山詩長虹雙瀑布密陰沈沈榮期綺季此焉

恬心家語榮啟期行乎邾野鹿裘帶索鼓琴而歌高士傳

南三春之季孟夏之初天氣肅清周覽八隅皇鸞鸞鸞警

乃前驅皇鸞鸞鸞皆鳳屬也春秋元命苞火離為鸞國語

之前爾其珍怪碧玉挺其阿密房溜其顛左思蜀都賦密

山圖采而得首翔鳳哀鳴集其上清水泌流注其前泌泉彭祖宅

以蟬蛻列仙傳彭祖殷大夫也歷夏至殷末八百餘歲常

去安期饗以延年安期生賣藥於東海邊時人皆言千歲

仙藥餌之前秦錄王嘉不食五穀清虛服氣唯至德之為

美我皇應福以來臻埽神壇以告誠薦珍馨以祈仙嗟茲

介福永終億年一本嗟作羌終作鍾本傳肅宗雅好文章

本紀行幸祠祀之事無歲無之如增修羣望柴告岱宗祀  
汶上祠闕里幸岐山登太行史不絕書惟終南薦享不見  
于史豈偶  
遺佚邪

### 竹扇賦

班固

按葛洪西京雜記漢制天子玉几夏設羽扇冬設  
繪扇至成帝時昭陽殿始有九華扇五明扇及雲  
母孔雀翠羽等名其華飾侈麗不言可知孟堅當  
肅宗朝時以竹扇供御蓋中興以來屏去奢靡崇  
尚樸素所致賦而美之  
所以彰盛德養君心也

青青之竹形兆直妙華長竿紛實翼杳篠叢生於水澤疾

風時紛紛蕭颯削爲扇翼成器美託御君王供時有度量

異好有圓方

扇之形製或圓方隨人所製

來風辟暑致清涼安體定神

達消息百王傳之賴功力壽考康寧累萬億

一本來風堪避暑靜致夜

清涼

# 圍碁賦

馬

融

字季長扶風杜陵人

孟子曰奕之為數小數也趙岐注奕圍碁也  
博物志云丹朱善碁既不經見未足深信

略觀圍碁兮法於用兵三尺之局兮為戰鬪場

陸賈新語言圍碁兵

法之類上者張置疏遠多得道而勝中者務相遮絕爭使  
求利下者守邊隅以作罾猶薛公之言黥布反也上計取  
吳楚廣地中計塞成臯遮要爭利  
下計據長江以臨越作罾者也陳聚士卒兮兩敵相當

拙者無功兮弱者先亡

碁以智取亦以氣勝一本拙作怯  
弱作貪怯則挫志貪則無謀奕戰

皆自有中和兮請說其方

中和猶中庸碁術高妙未  
易言盡姑論中庸之方略先據

四道兮保角依旁緣邊遮列兮往往相望離離馬首兮連

連鴈行

布子欲疏  
勢貴相屬

踔度閒置兮

前行規敵曰踔  
引彼聯此曰度

徘徊中央



違閣奮翼兮

置其所攻曰違制其欲逞曰閣

左右翱翔道狹敵眾兮情無

遠行棊多無筭兮如聚羣羊

筭與策同算也兵法多算勝

駱驛自保兮

先後來迎攻寬擊虛兮踰躡內房

踰七羊反躡步項反字本作槍样又作棊兵杖

也天文志有天槍天棊星見則兵起利則為時兮便則為強厭於食兮壞決

垣牆堤潰不塞兮泛濫遠長

敵可取不取當備不備必貽後悔班固奕旨一孔有闕壞

頽不振有似瓠子泛濫之敗

橫行陣亂兮敵心駭惶迫兼棊雅兮頗棄

其裝

雅音義與岳同棊心并四面各據中一子謂之王岳言不可動搖也此而見迫棊勢危矣將有棄其資裝

而遁者

已下險口兮鑿置清坑

已既出險當設險以待敵口如飛狐之口井陘之口皆險

要用奇處

窮其中罅兮如鼠入囊

罅音卦罅也新語所謂作罅

收死卒兮無

使相迎當食不食兮反受其殃勝負之揲兮

揲一作策於言如

髮乍緩乍急兮上且未別白黑紛亂兮於約如葛雜亂交

錯兮更相度越守規一作視不固兮為所唐突深入貧地兮

殺亡士一作將卒狂攘相救兮先後并沒上下離遮又雜兮

四面隔閉圍合罕散兮所對哽咽韓信將兵兮難通易絕

自陷死地兮設見權譎漢書韓信以兵東下井陘李左車曰井陘之道車不得方軌騎不得

成列願假奇兵從間路絕其輜重信為背水陣出井陘口

曰此在兵法陷之死地而後生言基當危急則出奇以取

勝誘敵先行兮往往一室捐棊委食兮遺三將七此一言

出井陘使萬人先行所以誘敵既而入空壁立赤幟遂以

取勝其視敵壘猶已一室有所棄以陷敵也將欲取之必

固與遲逐爽問兮轉相伺密勿迫以怠之商度道地兮棊

相連結蔓延連閣兮如火不滅扶疏布散兮左右流溢浸

淫不振兮敵人懼慄迫促踧踖兮惆悵自失計功相除兮  
以時各一作訖事留變生兮拾棊欲疾營惑窘乏兮無令  
詐出深念遠慮兮勝乃可必

鬻髀賦

張衡字平子南陽西鄂人

莊周蒙人也著書寓言曰莊子使楚見空鬻髀擊以馬捶而問曰夫子貪生失理而爲此乎將有凍餒之患而爲此乎語卒援鬻髀枕而臥鬻髀見夢曰夫死無君於上無臣於下與天地爲春秋雖南面帝王樂不是過也故平子託之以伸其意

張平子將遊目於九野觀化乎八方淮南子天有九野九州之外乃有八殫

星回日運鳳舉龍驤南遊赤野極南之地北泐一作幽鄉卽幽都也

西經昧谷日入之處東極浮桑日出之處於是季秋之辰微風

起涼聊回軒駕左翔右昂步馬于疇阜逍遙乎陵岡顧見  
髑髏委於路旁下居淤壤上有玄霜張平子悵然而問之  
曰子將并糧椎命以天逝乎本喪此土流遷來乎爲是上  
智爲是下愚爲是女子爲是丈夫於是肅然有靈但聞神  
響不見其形答曰吾宋人也姓莊名周遊心方外不能自  
修壽命終極來而幽玄公子何以問之對曰我欲告之於

五岳禱之於神祇起子素骨反子四支取耳北坎

坎北方  
水水內

景故耳求目南離

離南方  
景故目  
外

使東震獻足西坤授腹

震東方  
主動在  
易爲足  
坤西南五內皆還

五臟六神皆復

方萬物  
皆致養  
焉在易  
爲腹五官乃  
子欲之不乎髑髏曰公子言之殊難也

公子雖有  
此言吾殊

難之不欲也死爲休息生爲役勞莊子曰勞我以生佚我以死冬冰之

凝何如春冰之消凝則幽滯消則自然淮南子冰之凝不若其釋也又況不爲冰者乎榮位

在身不亦輕於塵毛巢許所恥伯成所逃巢父許由伯成子高以受天下

君一國爲恥而逃之榮位在人生猶輕之況已死乎況我已化與道逍遙離朱離婁也

不能見子野師曠字不能聽堯舜不能賞桀紂不能刑虎豹

不能害劍戟不能傷與陰陽同其流與元氣合其樸以造

化爲父母天地爲牀蓐雷電爲鼓扇日月爲燈燭雲漢爲

川池星宿爲珠玉合體自然無情無欲澄之不清混之不

濁不行而至不疾而速於是言卒響絕神光除滅顧時發

軫乃命僕夫假之以縞巾衾之以玄塵以土覆之也爲之傷涕



瀆曲折相連迤靡相屬泄壙中水欲其曲折所謂之玄水也乃樹靈木靈木

戎戎樹之靈木所以識蔭戎戎盛貌靈善也繁霜峨峨匪雕匪琢繁霜冢上飾周

旋顧盼亦各有行乃相厥宇乃立厥堂直之以繩正之以

日揆日景所以定方隅詩揆之以日作于楚室有覺其材詩有覺其楹覺直也以構玄室

奕奕將將崇棟廣宇在冬不涼一作寒在夏不暑祭祀是居

神明是處為幽玄之室以寓享祝修隧之際亦有掖門際隧之盡處建為掖門

掖門之西十一餘半地廣居掖門十分之一而又羨其半下有直渠上有平

岸舟車之道交通舊館自西而降則通往來之衢寒淵慮弘存不忘亡

恢厥廟壇祭我兮子孫古者不墓祭後世則有謂之上冢孟子嘗言墦間之祭者宅兆

之形規矩之制希而望之方以麗踐而行之巧以廣幽墓

既美鬼神既寧降之以福如水之平如春之卉如日之升

### 温泉賦

張衡

按漢地理志京兆尹新豐縣驪山古驪戎地也山有神井泉温如湯辛氏三秦記云驪山湯可以去疾消病武帝故事云驪山湯初始皇砌石起寺漢武加修飾焉至唐時有宮在驪山下名温泉宮天寶開治湯井為池環山列宮室

余適驪山觀温泉浴神井美洪澤之普施乃為賦云陽春

之月百草萋萋余在遠行願望有懷遂適驪山觀温泉浴

神井風中巒風與風平壯厥類之獨美思在化之所原覽

中域之珍怪無斯水之神靈控湯谷乎瀛洲濯日月乎中

營瀛洲海中山上有湯谷山海經湯谷上有扶桑池日所浴也日月坎離之精濯乎其中故液泉而温蔭高



山之北延處幽屏以閒清於是殊方跋一作交涉駿奔來臻

士女暉其鱗萃紛雜逖其如網音因易天地網亂曰天地

之德莫若生兮帝育蒸人資厥成兮六氣淫錯有疾癘兮

溫泉洳焉以流穢兮蠲除苛慝服中正兮熙哉帝載保性

命兮

觀舞賦

張衡

客有觀舞於淮南者美而賦之曰爾雅舞以土地名之有周舞巴渝舞淮南舞

音樂陳兮旨酒施擊靈鼓兮吹參差叛淫衍兮漫陸離於

是飲者皆醉日亦旣昃美人興而將舞乃修容而改服襲

羅縠之雜錯申綢繆而自飾拊者啾其齊列盤鼓煥以駢

羅拊搏也搏拊眾聲以合其行列班固賓戲啾發投曲感耳之聲舞之折盤隨鼓聲而旋轉故謂之盤鼓平子又有七盤舞賦此處似有缺文抗修袖以翳面展清聲而長歌歌曰驚雄

遊兮孤雌翔臨歸風兮思故鄉搦纖腰兮互折嬾傾倚兮

低昂增芙蓉之紅華兮光灼爍以發揚騰嫵目以顧盼音嫵

胡吹反好貌也楚辭嫵目宜笑盼爛爛以流光連翩絡繹乍續乍絕裾似

飛鸞袖如迴雪於是粉黛弛兮玉質粲珠簪挺一作兮緇

髮亂然後飾筭整髮被纖垂縈同服駢奏合體齊聲進退

無差若影追形

古文苑卷五終

一  
 二  
 三  
 四  
 五  
 六  
 七  
 八  
 九  
 十  
 十一  
 十二  
 十三  
 十四  
 十五  
 十六  
 十七  
 十八  
 十九  
 二十  
 二十一  
 二十二  
 二十三  
 二十四  
 二十五  
 二十六  
 二十七  
 二十八  
 二十九  
 三十  
 三十一  
 三十二  
 三十三  
 三十四  
 三十五  
 三十六  
 三十七  
 三十八  
 三十九  
 四十  
 四十一  
 四十二  
 四十三  
 四十四  
 四十五  
 四十六  
 四十七  
 四十八  
 四十九  
 五十  
 五十一  
 五十二  
 五十三  
 五十四  
 五十五  
 五十六  
 五十七  
 五十八  
 五十九  
 六十  
 六十一  
 六十二  
 六十三  
 六十四  
 六十五  
 六十六  
 六十七  
 六十八  
 六十九  
 七十  
 七十一  
 七十二  
 七十三  
 七十四  
 七十五  
 七十六  
 七十七  
 七十八  
 七十九  
 八十  
 八十一  
 八十二  
 八十三  
 八十四  
 八十五  
 八十六  
 八十七  
 八十八  
 八十九  
 九十  
 九十一  
 九十二  
 九十三  
 九十四  
 九十五  
 九十六  
 九十七  
 九十八  
 九十九  
 一百

古文苑卷六

宋章樵註

賦

九宮賦

黃香

河圖之數戴九履一左三右七二四為肩六八為  
 足五居中央從橫十五易乾鑿度曰太一取其數  
 以行九宮鄭玄注云太一者北辰神名也下行八  
 卦之宮每四乃還於中央中央者地神之所居故  
 謂之九宮天數以陽出以陰入陽起於子陰起於  
 午是以太一下行九宮從坎宮始自此而坤宮又  
 自此而震宮既又自此而巽宮所行者半矣還息  
 於中央之宮既又自此而乾宮自此而兌宮自此  
 而艮宮自此而離宮行則周矣上游息於太一  
 之星而反紫宮行起從始坎宮而終於離宮也  
 後漢書文苑傳黃香字文彊江夏安陸人博學  
 經典究精道術能文章初除郎中肅宗詔香詣

東觀讀所未嘗見書累遷尚書  
令所著賦賤奏書令凡五篇

伊黃虛

一作靈

之典度

五居中央屬土故曰黃靈之常度

存斗文之會宮

天官

書斗魁戴匡六星曰文昌宮皆將相貴臣夾輔紫宮者也

翳華蓋之葳蕤依上帝以隆

崇

晉天文志上九星曰華蓋所以覆蔽大帝之坐也

握

一作捉

璇璣而布政

北斗第二星曰

璇第三星曰璣日

摠四七而持綱

四方宿各七摠為二十八宿

和日月

之光曜均節度以運行序列宿之煥爛咸垂景以煌煌

天陰之晦暗陽玉石以炳明

楊泉物理論曰極南為太陽極北為太陰日月五星行太

陰則無光行太陽則能照賦言九宮之行始於坎宮坎正北故為陰晦終於離宮離正南故曰陽明玉石陽物

大道之浩廣泐沈澐以垝圮

言天地之間大造宏闊未易窺測泐讀如杳沈澐深廣也

垝圮無垠際也澐音莽垝烏朗切圮音軌

眇旭厯而銳

一作銑

銀上

廓峩峩以閱

閨言以明歷推算始知浩博之中分為九宮銳銀猶鑽研

浪閨閨高大貌揚雄甘泉賦閨閨一其即蹴縮以檄橈震

寥廓兮似紫宮之崢嶸此言中宮也

二宮也巽六陽之地羣陰退縮震居正東木坎熒援以消

之旺方檄橈木之茂盛也檄音藪橈乃豆切坎熒援以消

場之熒弋戰反火光焰道一作猶才周反蓋道水之源場

火之熒也驥驪以羸乾坤二宮也乾為老馬瘠馬坤牝馬

作馬馬一歲也驪音葛馬疾行也乾蹉礫皓皜以駮樂兌

坤皆馬以老稚建順而差別之也蹉礫皓皜以駮樂兌

二宮也艮為小石蹉礫音蹉磊小石貌兌正銀佛律以順

西屬金故曰皓皜金之色也駮樂雜而不齊銀佛律以順

游銀取其輝粲徑閨闔而出玉房閨闔天門天之太一所

觀玉謁五嶽而朝六宗太一天之尊神方其出也五嶽六

對祝融而督句芒祝融南方炎帝之佐句芒東方青帝之

神之蕩翊翊以敝警普降聊優游以尚陽一作躑崑崙而蹈

碣石山海經崑崙之邱實惟帝之下都張節曰崑崙山去中國五萬里躑躅如陟登也碣石即碣山禹貢東底

于碣石跪底柱而跨太行見底柱山名河水分流包山而過山

山在河內山陽縣西北肘熊耳而據桐柏熊耳山在弘農盧氏縣東桐柏山在南陽平氏縣

介嶧冢而持外方嶧冢山在梁州漢水所出外方山即嵩高也在潁川浣彭蠡而洗

北海彭蠡大澤在揚州之西淬五湖而漱華池淬吸也與

之巔有石池粉白沙而嚙定容敦煌郡關外有白龍堆沙

世所謂玉井華容縣雲夢澤在東南定容蓋雲夢巴邱湖

也嚙鋤銜反說文曰小啐也謂吸之將盡卷南越以騰

歷南越交趾之地極南言終於連明月以為懸剝駭雞以

為釵明宮騰歷而上覆回於中宮離明月寶珠也連言具非一駭雞犀角也韓詩外傳太

通犀中有一白理如線者置米其上以飼雞雞見驚繞績走名駭雞犀刻為魚形持入水水輒開剝削治也

組而攝雲鬱綬加采繪之飾履為浮雲之形垂獨繭而服離鞋戴窠岌而

帶繚繞曳陶匏以委蛇獨繭一繭絲也列仙傳園客收繭如甕大線一繭六十日始盡訖窠

岌冠巍峨貌繚繞帶影揚貌陶匏乘根車而駕神馬孝經

甄陶所成以上言冠服儀飾之盛契曰山出根車禮記所謂器車也不驂馱駟而俠窮奇馱

亦神馬服外曰使織女驂乘王良為之御天官書織女天

驂窮奇神名一星曰王良王良策馬車騎滿野三台執兵而奉引軒轅乘駞驢而先驅

招搖豐隆騎師子而俠轂各先後以為雲車三台星名其

而北曰三台軒轅黃龍體南宮星駞驢獸似驪招搖星名

禮記招搖在上豐隆雷師楚辭吾令豐隆乘雲兮師子出南海百獸之長先後並去聲奉引前驅所謂先也俠轂所謂後也先後之神皆乘雲以為車左青龍而



右觜觶前七星而後騰蛇東方七宿為蒼龍西方觜觶為白虎南七星朱雀北虛危騰蛇

武徵太一而聚羣神太一有十神一曰太一次曰五福太一三曰天一四曰地太一五曰

君基六曰臣基七曰民基八曰大遊九曰氣遊十日計神

唯太一最尊更無別名止謂之太一後人以對大遊而謂

之小遊蓋誤加之沈括筆談辨趣熒惑而叱太白禮金星

之甚詳按此徵太一當作天一禮金星

司兵太一出東井輟輟一作轆而播潘洒彗孛佛仿以梢擊

則趣召之輟一作轆於干道絕引者而驚蹕東井主汎洒蓋因井以取義輟轆讀如汲

四徼塵遮又作於干道絕引者而驚蹕東井主汎洒蓋因井以取義輟轆讀如汲

溲鹿盧以引汲也彗孛二星五星之精所變主除舊蚩尤

布新言太一出遊則清塵警道故蔑有干道驚蹕者蚩尤

之倫玢璘而要斑斕垂又作金干而捷又建雄戟操巨彗又臣

之礲弩齊佩機而鳴廓狼弧殼張而外饗枉矢持芒以

峇嶸迅衝風而突飛電蚩尤古之善兵者與黃帝戰于阪泉言使勇能兵之徒若蚩尤者操

執兵器扈從其行揚雄甘泉賦蚩尤之倫帶干將而秉玉

戚玢璘音彬鄰文采貌巨獐音狸弩名礲音高勁也佩機

弩機引滿齊而後發廓發也天狼星之下有星曰弧如矢

之狀正向之此云狼弧則是射狼之弧也穀古豆反饗讀

作嚮枉矢星蛇行而蒼黑望之如有毛羽振雲崕岫而上

然峯嶒振激之狀其勢迅速過於風電

望山廣韻崕山在容州山下有鬼市空即崕龍狡狴又作

字崕峒山也能令幽谷興雲空洞填塞龍狡狴狴狴

與龍同而蹴踐蚘走札揭而獠桔梗一作繚櫟略攬而突

檻也

列蛸槁肩屈而卻梁黨叱蒼塘而觸螟蜒扶丑乙礮礪一作

礪而扑雷公標擊缺而拂勃決皆鬼神名言妖星厲鬼奮

屏除顛仆莫敢干之

雲旗而椎又作鴻鐘聲溇淪又作以純侖四海澹而柘地

撞

梁柘又作祐雲旗所以垂覆于下洪鐘所以宣其和也溇

淪純命至和交暢故四海清晏下土蒙福地梁猶言地

維地軸也碎太山而刺嵩高吸洪河而嘍九江登嶠嶢之釐臺

闕天門而閃帝宮享嘉命而延壽樂斯宮之無窮

末言喬岳可隳

江河可竭九宮定位未嘗遷變游行周復于中宮所謂長於上古而不老超乎天地而永存也刺盧達反吸噉言其微

### 函谷關賦

李

尤

後漢文苑傳李尤字

伯仁廣漢維人和帝時拜蘭臺令關故秦函谷關在弘農縣周秦故都皆在關中漢高祖用婁敬策都關中因秦故關而守之武帝徙函谷關於新安地理志河南郡穀城縣顏師古曰即今新安也

惟皇漢之休烈兮包八極以據中混無外之盪盪兮惟唐

典之極崇

唐典謂唐堯之舊典別九州協和萬邦

萬國喜而洞洽兮何天衢

以流通

易大畜上九何天之衢亨

襟要約之險固兮制關鍵以擒并其

南則有蒼梧荔浦離水謝沐涯浦零中以窮海陸

蒼梧而下六關

在南地理志蒼梧郡注屬交州有離水關謝沐荔  
浦二縣交趾郡合浦縣並有關九真郡有界關於北則

有蕭居天井壺口石徑貫越伐朔以臨胡庭蕭居而下六關在北上黨

郡注有上黨關壺口關石研關天井關徑讀作研音形餘未詳諸部有懷渾歸句等名或有關越字恐誤緣邊

邪指陽會玉門凌測龍堆邪指則陽會玉門等關燉煌郡注正西關外有白龍堆沙龍勒

縣有陽關或置於西則有隨隴武夷白水江零沔漢阻曲

路由山泉舊水遠濫沐落是經於西則隨隴至沐落等關以上諸關志不載或謂作

置乍廢迺周覽以汎觀兮歷眾關以遊目惟夸闢之宏麗兮

羌莫盛於函谷羌發語辭或作慶施雕礪以作好建峻傲之堅重

殊中外以隔別翼巍巍之高崇命尉臣以執鑰有關都尉光武紀建

元九年省十統羣類之所從嚴固守之猛厲操戈鉞而普九年復置

聰聰聽也謂察聽姦邪蕃鎮造而惕息侯伯過而震惶惟函谷之初

設險前有姬之苗流惟思也易王公設險以守其國苗流本末也惟函谷置關之本末當始於

姬周之前以周時有關尹喜事知之嘉尹喜之望氣知真人之西遊爰物色

以遮道為著書而肯留劉向列仙傳老子西遊關尹喜先見其氣知真人當過物色而遮之

老子亦知其奇為著書道德經二篇自周轍之東遷秦虎視乎中州周平王東遷洛陽秦遂據有岐雍之地恃其險要

肆毒天下班固西都賦秦以虎視文馳齊而懼追譎雞鳴

於狗偷齊孟嘗君田文囚於秦客有能為狗盜者竊美裘以獻嬖姬昭王釋之孟嘗君得出即馳去更封傳

變姓名夜半至函谷關關法雞鳴出客恐追至客為雞鳴而雞盡鳴遂發傳出見史記畦背魏而西

逝託衾衣以免搜范雎得罪於魏秦謁者王稽與俱入秦至函谷關秦相穰侯東行縣邑雎匿車

中免索故得入見戰國策揚雄解嘲范雎之亡也扶服入橐大漢承弊以建德革厥舊

而運修高祖初入關與民約法三章至武帝元鼎三年冬乃徙函谷關於河南郡新安縣運修猶改爲也

準令宜以就制因茲勢以立基謂擇其善而宜者因自然形勢以立關之基址據地

勢前漢關在國都之東後漢關在國都之西郡國志穀城縣有函谷關注西征記曰函谷左右絕岸十丈中容車而

已蓋可以詰非司邪括執喉咽季末荒成墮闕有年謂西漢之

末關守隳廢墮墮同許規反天閔羣黎命我聖君稽符皇乾孔適河文

聖君謂光武也後漢志光武東封泰山引河圖會昌符讖合帝道孔矩中興再受二祖同勳

言光武受命中興永平承緒欽明奉循上羅三關下列九

與高祖創業同功明帝永平之間能承奉二祖立國會萬國之玉帛來百

門之規當時函谷關制度宏麗若此東漢都洛陽河南郡爲帝京諸侯蕃鎮執玉帛

蠻之貢琛朝覲方外蠻夷各以其國琛寶來貢皆由函谷

關左傳禹會諸侯於塗山執玉帛冠蓋紛其雲合車馬動

者萬國魯頌憬彼淮夷來獻其琛

而雷奔察言服以有譏捐縹傳而勿論

言人物往來之多惟異服異言是察

他無所禁禮記關執禁以譏禁異服識異言譏察也縹傳過關之符信也書繪帛分持其一以為出入之驗或用棨

刻木為之漢書文帝除關無用傳終軍入關棄縹而去于以廓襟度於神聖法易簡

於乾坤言大漢人主包涵天下與乾坤同量易乾以易知坤以簡能尤又有函谷關銘曰函谷險要襟帶喉

咽日從季老留作二篇孟嘗離秦奔鶩東征夜造稽疑謫以雞鳴范睢將入自盛以囊元鼎革移錯之新安舍彼西

阻東即高原長墉重閣閉固不踰簡易從與乾合符

### 大赦賦

崔寔

寔

字子真瑗之子後漢

書有傳

唐虞之際眚災肆赦易稱君子以赦過宥罪謂過誤則赦有罪者寬宥之而已後世始有大赦本期除惡或至賞姦論者評之詳矣按漢書和帝十一年夏四月丙寅大赦天下此賦寔少年所作至桓

帝時論事  
名曰政論

惟漢之十一年四月大赦滌惡棄穢與海內更始疊疊乎  
思隆平之進也寔就而賦焉

以為五帝異世三王殊事然其承天據地興修法制一也

陛下以苞天之大承前聖之迹朝乾乾於萬幾夕虔敬而

厲惕言勤政也易曰君子終日乾乾夕惕若厲然猶痛刑之未措厥將大赦天

下所以創太平之迹旌頌聲之期新邦家而更始垂祉羨

乎將來此誠不可奪也方將披玄雲慶雲也淮南子玄雲素朝照景星

景星如半月獲嘉禾於疆畝周成王時唐叔得禾異畝同穎作嘉禾頌數莫莢於階

庭堯時莫莢生於階隨月開落捫麒麟之肉角麒麟瑞獸一聆鳳凰之



和鳴天下有道則鳳凰至左農夫歡於時雨工女樂於機

聲雖羲皇之神化尙何斯之太寧

### 夢賦

王延壽

周禮占夢以日月星辰占六夢之吉凶一日正夢

二曰噩夢三日思夢四曰寤夢五日嘉夢六曰懼

夢文大卜掌三夢之法一曰致夢二曰觭

夢三日咸陟夢註夏殷周所占夢之法也

後漢文苑傳王延壽字文考南郡宜城人有雋

才曾有異夢意惡之乃作夢賦自厲年二十四

過漢江溺

水而死

臣弱冠嘗夜寢見鬼物與臣戰漢以前對人稱臣僕率以

為常後世非君前不稱臣

弱冠二十歲遂得東方朔與臣作罵鬼之書此書不傳臣遂作賦一

篇敘夢後人夢者讀誦以卻鬼數數有驗臣不敢蔽其辭

曰余宵夜寢息乃忽有非常之物夢焉其為夢也悉覩鬼

物之變怪則有蛇頭而四角魚尾一作首而鳥身或三足而

六眼或龍形而似人山海經南禺之山其神龍身而人面羣行而奮徭忽來

到吾前伸臂而舞手意欲相引牽於是夢中驚怒膈臆紛

紘膈音逼膈臆怒氣填膈也曰吾含天地之淳和何妖孽之敢臻爾乃

揮手振一作奮拳雷發電舒斲游光斫猛豬一作躑斲側略反斲斫亦斲也

左傳公子彭生之鬼批黠毅黠一作狒字本作鬻父斫魅為大豕人立而唬沸反狒狒怪獸狀似人斫魅

虛捎魍魎說文魍老精物也音媚虛耗鬼也國語木石之怪夔蝮蝮拂諸渠撞縱目打

三顛撲茗蕘一作魁魑玉篇魑剝輕為害之鬼扶夔魍東京賦作夔搏覲魑扶丑乙反搏覲

皖蹴睢盱音徂吁剖列蹙掣羯掣劓尖鼻踏赤舌拏僮憚耗

辨

揮髻鬢

多胡而禿髮鬢許鍔反自遊光而下至髻鬢皆鬼物名李善文選注諸鬼說者各異似不必深

於是手足俱中捷獵摧拉

拉人合反折也

澎滯跌抗

澎音彭滯音滯羣隊

奔迸如水潰流跌徒結反抗虞厥反顛仆不安也

揩倒批笞强梁捶捋劇揆撩予

搃搥黠拖類

一作類

躓抨橙軋

揆予寸反猶擠也左傳揆衛侯之手揅音僚搥亡結反類

五怪反躓五拜反鬼之桀黠頑惡者從而持捉之橙卽振字抨軋皆擊打之稱

於是羣邪眾魅駭

擾遑遽煥衍叛散乍留乍去變形瞪眊

瞪音耕反怒目直視也

顧望

猶豫吾於是更奮奇譎脈捧攫噴扼撓峴撻

扼一作振撓呼毛反攪也

咿嘜批擗噴

擗音獲本作嘑噴音責其不去者又從而捉獲批撻加以叱咤

於是三三四

四相隨佞傍而厯僻

佞音浪佞傍行不正貌僻音關厯僻猶辟易也

龔龔磕磕搯

齊亥

一作精氣充

布

揅慈昔反亥讀作駭

訾訾譽譽

一作譽

鬼驚魅怖或盤

跚而欲走或拘攣而不能步或中瘡而宛轉或捧痛而號

呼去聲奄霧消而光散寂不知其何故易繫辭知幽明之故嗟妖邪之

怪物敢干真人之正度人稟天地之真氣守君子之正行妖物何為敢干之以終前意耳

啣嘈而外朗忽屈伸而覺寤於是雞知天曙而奮羽忽嘈

然而自鳴鬼聞之以迸失失讀作佚走也心惴怖而皆驚亂曰齊

桓夢物而以霸兮夢物未詳管子桓公北伐孤竹見人長尺而人物具焉走馬前集公大惑管仲

曰伯王之君興而登山神見又莊子桓公田於澤見鬼焉齊士有皇子告敖者曰澤有委蛇其大如轂其長如轅紫

衣而朱冠見之者殆乎霸桓公笑曰此寡人之所見者也夢恐是寤字周禮寤夢謂因覺時所見而夢與古寤字相

類武丁夜感得賢佐兮尚書高宗夢帝賚予良弼求得傳說周夢九齡年克

百兮禮記武王夢帝與我九齡文王曰我百爾九十吾與爾三焉晉文盥腦國以競一作

競

今左傳僖三十八年晉侯夢與楚子搏楚子伏己而監其腦子犯日吉我得天楚伏其罪遂戰楚師敗績

老子役鬼為神將兮

葛洪神仙傳李耳以周武王時為柱下史時俗見其久壽故號老子所出

度世治鬼養性絕穀變化有使鬼之法

轉禍為福永無恙兮

說文恙余亮反憂也一云恙噬

蟲能食人心故無憂忠者謂之無恙

### 王孫賦

### 王延壽

猴類以況小人之輕黠便捷者卒以慾心發露受制於人徐堅初學記載此文間有音而無釋茲略較補未詳者闕之

原天地之造化實神偉以屈奇道玄微以密妙信無物而

不為有王孫之狹獸

狹即狎字一作狡

形陋觀而醜儀顏狀類乎

老公軀體似乎小兒眼眶以眈卹

一作眈眈眼眶音崖眈五流反眈許律反皆





遼作寥落以蕭索時乎乍睥睨以容與睥普計反睨魚或踣

一作跌以跳迸又咨陬而攢聚踣與擲同又隻反跌右穴

跳擲迸逸忽又攢聚一處扶欽峯以棟椽一作躡危臬而騰舞忽踊逸

而輕迅羌難得而覩縷史記貨殖傳棟椽其閒得所欲司

逐也臬五結反門槩也此謂枯木之無枝節者覩音騾觀

縷委曲也言圍山馳逐冀以捕之乃登高木舞躍自喜忽

又走佚終難捕獲捕者委曲多方同甘苦於人類好舖糟

耳左太沖吳都賦羌難得而覩縷乃置酒於其側競爭飲

以歠醕楚辭舖其糟而歠其醕而躡馳躡疾也頤陋醕以迷醉朦眠睡而無知頤火動

候反著酒顛頤顛鬘拏髮以縑一作縛遂纓絡而羈縻暫同

狀朦莫孔反不久也髮子公反毛亂也縑火結反謂以繩索歸鎖繫於



庭廡觀者吸呷

一作而忘疲

誚青衣賦

張

超後漢文苑傳河閒鄭

人留侯之

後字子並

舊編載青衣賦以為蔡伯喈文豈少年時所為耶

志蕩辭淫不宜玷簡冊以有誚之者故附見之其

辭云金生砂礫珠出蚌泥歎茲窈窕散在卑微盼

倩俶麗皓齒蛾眉縱橫接髮葉如低葵綺袖丹裳

躡蹈絲屏盤蹠蹠坐起低昂和暢善笑動揚朱

脣都冶嫵媚卓躑躅多姿精惠小心趨事如飛中饋

裁割莫能雙追闔雎之絜不陷邪非察其所履世

之鮮希宜作夫人為眾女師伊何爾命在此賤微

代無樊姬楚莊晉妃感昔鄭季平陽是私故因錫

國歷爾邦畿雖得嫌婉舒寫情懷寒雪續紛充庭

盈階兼裳累鎮展轉倒頰助听將曙雞鳴相催飾

駕趣嚴將舍爾乖矇冒思不可排張子並同

時人規儆備至俾之

思愆可謂益友矣

彼何人斯詩卷伯蘇公之篇皆有此句不指名其人蓋鄙疾之也悅此豔姿麗辭美

譽雅句斐斐文則可佳志卑意微鳳兮鳳兮何德之衰高

岡可華何必棘茨醴泉可飲何必滂池隨珠彈雀堂溪刈

葵鳳喻辭人棘茨滂池喻青衣隨侯之珠堂溪之金以為

之珠彈千仞之雀淮南葵則自輕甚矣莊子以隨侯

子官人得戟則以刈葵鴛鴦啄鼠何異乎鴟不食腐鼠乃

鴟鴞所求事見莊子歷觀古今禍福之階多由嬖妾淫妻書戒牝雞

泰誓牝雞之晨惟家之索詩載哲婦哲謂多智詩哲婦傾城三代之季

皆由斯起晉獲驪戎斃懷恭子晉獻公伐驪戎獲驪姬以

子申生縊死有夏取仍覆宗絕祀據揚雄宗正箴太康不

懷公圉見弑蓋謂太康為羿所逐而失國左傳則曰有仍氏女髮光可

鑑后夔取之生伯封貪婪無厭羿滅之夏亦恐是夔宇

叔肸納申聽聲狼似

叔向娶申公巫臣之女生伯石其母往視之及堂聞其聲而還曰是豺狼

之聲也喪羊舌氏矣肸叔向名

穆子私庚豎牛餒已

叔孫穆子私庚宗之婦人生子曰牛使為

豎後為亂穆子餓死

黃歇之敗從李園始

李園進妹於春申君黃歇後因作亂殺歇

魯受

齊樂仲尼逝矣

季桓子受齊女樂孔子行

文公懷安姜笑其鄙

晉文公之未反

國也安於齊姜氏勉之曰子必有晉若何懷安與子犯謀醉而載之以行

周漸將衰康王晏起

畢公喟然深思古道感彼關雎性不雙侶願得周公妃

音配

以窈窕防微消漸諷諭君父

周南關雎毛氏傳后妃之德也齊韓魯三詩皆以為康王

晏朝關雎刺之漢時是詩未立於學官故儒者所引多以為刺

孔氏大之列冠篇首

夫子刪詩

以關雎冠三百篇

晏嬰潔志不顧景女

晏嬰字平仲事齊靈莊景三君後為景公相公與之

邑欲更其宅及妻以女皆辭弗受

乃雋不疑奉霍不受

漢書雋不疑字曼倩聲名重於朝庭

大將軍光欲以女妻之之不疑固辭不肯當見尊不迷況此麗豎景公霍光皆尊

不疑尚秉志不惑矧此賤者欲屑就乎深誚之也三族无紀綢繆不序蟹行索妃

蟹邪行旁行求偶昏無媒理宗廟無主無主其門戶不名祀配

依其在所生女為妾生男為虜也歲時醑祀詣其先祖

或於馬廐廚閒竈下下楚辭叶音戶東向長跪接狎觴酒悉請諸

靈僻邪無主無定主也多乞少出銅丸鐵柱積繪累億皆來集

聚細碎之物隨得嫡婉歡心各有先後臧獲之類言凡民

婢曰臧女而蓋不足數古之贅壻尚猶塵垢秦法家貧子壯則出贅

況明智者欲作奴父勤節君子無當自逸宜如防水守之

以一秦繆思誓故獲終吉逸與佚同謂淫佚也誓與愆同尚書秦誓曰則罔所誓取其悔



古文苑卷七

宋章樵註

賦

漢津賦

漢書有傳漢為四瀆之一都道所湊為津說文曰津渡也

蔡邕

字伯喈陳留圉人後

夫何大川之浩浩兮洪流淼以玄清配名位乎天漢

天漢雲漢

也詩倬彼雲漢為章于天蕭何傳語曰天漢淼音眇

披厚土而載形登源自乎嶧冢

引漾澧而東征

禹貢嶧冢導漾東流為漢漾水出隴西氏道東流過武關山南為漢禹治漾水自嶧

冢始納陽谷之所吐兮

謂日也漢之源在西云納日

兼漢沔之殊名

沔水出武

都東南大江漢上曰沔如滄曰北方人謂漢水為沔水

摠吠澮之羣液演西土之陰

精遇萬山以左迴兮

萬一作曼山名在南郡襄陽西九里酈元注水經云漢水東經萬山北

旋襄陽而南縈

經襄陽而南行

切大別之東山兮與江湘乎通靈

禹貢至于大別南入于江師古曰觸大別山而南入江湘水出靈山北入江

嘉清源之勢體兮

澹澹爰以安流

澹視然反澹爰猶潺湲

鱗甲育其萬類兮蛟龍集以

嬉遊明珠胎於靈蚌兮夜光潛乎玄洲

夜光之珠玄洲幽深之崖也

神寶其充盈兮豈魚龜之足收

珠貝所蓄他水族不足道

於是遊目騁

觀南援三州北集京都

三州徐揚荆也淮水所經京都漢京河南郡也由淮入河自河達雒

陽上控隴坻下接江湖

孔穎達書正義地理云漢水出隴西氐道縣至武都為漢水禹貢南

入于江東匯澤為彭蠡

導財運貨懋遷有無既乃風焱蕭瑟勃焉並

興楊侯沛以奔驚洪濤涌而沸騰願乘流以上下

商賈往來乘淮

水而上下窮滄浪乎三澨觀朝宗之形兆看洞庭之交會  
賢遷便利禹貢又東為滄浪之水過三澨又江漢朝宗于海  
又曰東流為漢又東為滄浪之水過三澨東匯

### 筆賦

蔡邕

古者簡牘畫以鉛槧至秦蒙恬始製筆釋文筆述也述事而書之

惟其翰之所生於季冬之狡兔兔經霜則毫健性精亟以慄悍體

遒迅以騁步兔性若此毫之輕健勁捷似之宜製以為筆削文竹以為管加漆

絲之纏束形調搏以直端染玄墨以定色畫乾坤之陰陽

讚慮皇之洪勳慮犧始畫八卦敘五帝之休德揚蕩蕩之明文堯蕩

蕩平民無能名紀三王之功伐兮表八百之肆覲武王至孟津諸侯不期而會者

八百傳六經而綴百氏兮建皇極而序彝倫綜人事於晷



昧兮贊幽冥於明神象類多喻靡施不協上剛下柔乾坤位也新故代謝四時次也圓和正直規矩極也玄首黃管

天地色也

易天玄而地黃

### 彈碁賦

蔡邕

沈存中筆談西京雜記云漢元帝好蹴鞠以蹴鞠為勞求相類而不勞者遂為彈碁之戲予觀彈碁絕不類蹴鞠頗與擊鞠相近疑是傳寫誤耳其局方二尺中心高如覆盂其巔為小壺四角微隆起白樂天詩彈碁局上事最妙是長斜長斜謂抹角斜彈一發過半局今譜中具有此法

榮華灼爍萼不韡韡於是列象雕華逞麗豐腹斂邊中隱

四企

魏文帝彈碁賦云豐腹高隆庠根四頽

輕利調博易使馳騁

吳材老引作騁馳

然後我掣兵綦夸驚或風颺波動若飛若浮不遲不疾如

行如留放一弊六功無與儔此卽長斜魏文帝賦緣邊開造長斜迭取

### 短人賦

蔡邕

侏儒短人焦僂之後國語焦僂氏長三尺短之至也出自外域戎狄別種

上文注焦僂西南蠻之別也去俗歸義慕化企踵遂在中國形貌有部

名之侏儒東方朔傳侏儒長三尺餘奉一囊粟生則象父唯有晏子在齊辯

勇匡景拒崔加刃不恐晏嬰長不滿六尺事齊景公常直諫匡救之初崔杼弑莊公晏子入

枕尸而哭人謂崔杼必殺之杼曰民之望也舍之得民崔杼盟國人於大宮晏子仰天而哭曰嬰所不唯忠於國利

社稷者是與有如上帝後竟滅崔氏晏子非侏儒比以古賢為戲非所以為訓其餘庭么劣厥僂

窶嘖嘖怒語與人相拒矇昧嗜酒喜索罰舉醉則揚聲罵

詈恣口眾人患忌難與其侶是以陳賦引譬比偶皆得形

象誠如所語辭曰雄荆雞兮鶩鷺鶉鳩雛兮鶉鷄鷓冠

戴勝兮啄木兒觀短人兮形若斯熱地蝗兮蘆卽且子如反似

蝗而大腹繭中踊兮蠶蠕須踊今作蛹蠕音而蠶之傷火病縮者視短人兮形若

斯木門闔兮梁上柱江南人呼梁上矮柱為侏儒弊鑿頭兮斷柯斧鞞

鞞鼓兮補履樸脫柄椎兮擣薤杵視短人兮形如許

### 浮淮賦

王

粲

字仲宣漢末人為魏

侍中有

文集

魏志建安十三年曹公自江陵征劉備至赤壁與備戰不利十四年至譙治水軍秋七月自渦入淮

出肥水軍合肥子不是時為漢五官中郎將粲為丞相掾從曹公東征

文帝賦序云建安十四年王師自譙東征大興水軍浮

舟萬艘時余從行始入淮口行泊東山觀師徒觀旌帆赫

哉盛矣雖孝武盛唐之狩舳艫千里武帝紀元封五年冬南巡狩至于盛唐自

潯陽浮江親射蛟江中獲殆不過也乃作斯賦云命粲同

之舳艫千里作盛唐之歌文帝賦不全

從王師以南征兮浮淮水而遐逝背渦浦之曲流兮望馬

邱之高濫濠州界有馬邱泛洪櫓於中潮兮櫓戰船上敵樓淮與海通

故有飛輕舟乎濱濟建眾檣以成林兮譬無山之樹藝檣船

上桅於是迅流興潭浪濤波動長瀨鉦鼓若雷旌麾翳日

飛雲天迴蒼鷹飄逸舟楫遇順風如雲之飛天滂沛洶溶

遞相競軼飛驚波以高驚馳駭浪而赴質加舟徒之巧極

美榜人之閑疾

舟徒水軍榜人行舟者閑謂習閑

白日未移前驅已屆羣

帥按部左右就隊軸轡千里名卒億計運茲威以赫怒清

海隅之帶芥

指吳人也是年孫權圍合肥與劉備結好備猶未有蜀

濟元勳於大舉

垂休績乎遠裔

### 羽獵賦

王粲

摯虞文章流別論云建安中魏文帝從武帝出獵賦命陳琳王粲應瑒劉楨並作琳為武獵粲為羽獵瑒為西狩楨為大閱凡此各有所長粲其最也此賦首尾有闕文以粲集補

濟漳浦而橫陣

清濁二漳水魏郡曹公攻袁尚嘗決漳水而灌鄴城

倚紫陌而並征

樹重置於西址列駿騎乎北垆遵古道以游豫兮

孟子一游一豫

為諸侯度

昭勸助乎農圃因時隙之餘日兮陳苗狩而講旅

左傳

春蒐夏苗秋獮冬狩皆於農隙以講事也相公乃乘輕軒相公指操時粲為丞相掾輕軒轎車也

駕四駱白馬黑鬣曰駱詩駕彼四駱拊流星名矢屬繁弱弓名力重千斤周武王之戎弓

也選徒命士威興竭作周禮小司徒凡起徒役唯田與追胥竭作旌旗雲擾鋒

刃林錯揚輝吐火曜野蔽澤山川於是乎搖蕩草木為之

摧落禽獸振駭魂亡氣奪舉首觸絲搖尾遇撻陷心裂胃

潰頸破頰頰音遏鷹犬競逐奕奕霏霏下鞬窮縹搏肉噬

肌墜者若雨子虛賦獲若雨獸去聲僵者若坻詩如坻如京鄭氏箋坻水中之高地也

清野滌原莫不殲夷

### 柳賦

### 王粲

魏文帝柳賦序云昔建安五年上與袁紹戰於官渡時余從行始植斯柳自彼迄今十五載矣感物

傷懷乃作斯賦  
蓋命粲同作

昔我君之定武指曹公也左傳武有七德保大定功致天屆而徂征元子從

而撫軍謂子從行左傳冢子從曰撫軍守曰監國植佳木於茲庭歷春秋以踰

紀行復出於斯鄉覽茲樹之豐茂紛旖旎以修長枝扶疏

而覃布莖穆捎以奮揚人情感於舊物心惆悵以增慮行

游目而廣望觀城壘之故處悟元正之話言按史是年正月操軍于官

渡四月破紹軍於延津南歷舊日營壘之地因念當時參陪軍政猶記其話言信思難而存懼思

戰之事而嘉甘棠之不伐以柳比甘棠言上人感曹公之德如召南之思召伯故不翦伐

畏敢累於此樹今當祗畏而愛護之苟迷跡而退之豈駕馳而不屢

倘迷舊跡退而不顧雖屢經從奚關感慨

思親賦

陸機

晉書陸機字士衡吳郡人也父抗吳大司馬抗卒領父兵為吳牙門將太康中與弟雲俱入洛累遷為太子洗馬著作郎機生於吳中仕晉西洛陽去鄉社遙邈又遭時變亂不克祠祀其親作賦以述思念之情

悲桑梓之悠曠愧蒸嘗之弗營

井社植桑梓以為表識悠曠言隔遠也蒸嘗謂四時

之 祀指南雲以寄欽望歸風而効誠年歲俄其聿暮明星爛

而將清迴颯肅以長赴零雲紛其下頽

身寓洛陽而親之墳墓在吳中思因

風雲之便以寄吾誠敬由歲至暮自夕至明風雲變態不常卒無可以寄吾情者

羨纖枝之在榦

悼落葉之去枝存顧復之遺志感明發之所懷

父母猶根榦子孫猶

枝葉詩顧我復我欲報之德又詩明發不寐有懷二人

兄瓊芳而蕙茂弟蘭發而玉



暉感瑰姿之晚就痛慈景之先違

晉書陸雲字士龍少與兄機齊名號曰二陸為

吳王郎中令出宰浚儀有惠政言兄弟才美相映所恨成就之晚不及奉養其慈親猶曾子得祿三千鍾而悲也

### 白髮賦

左

思

晉書字太冲濟國人

少博覽

文史

譏後世俗薄貴少而賤老雖血肉至親晚景或相棄背也

星星白髮生於鬢垂

星星明粲貌垂邊也三邊亦謂之三垂

雖非青蠅穢我

光儀策名觀國

策名謂名書策牘也易觀國之光利用賓于王

以此見疵將拔將

鑷好爵是縻

易我有好爵吾與爾縻之

白髮將拔怒然自訴稟命不幸

值君年莫偏迫秋霜生而皓素始覽明鏡惕然見惡朝生

晝拔何罪之故子觀橘柚一皜一曄貴其素華匪尚綠葉

願哉子之手攝子之鐻咨爾白髮觀世之途靡不追榮貴

華賤枯赫赫閭闔藹藹紫廬閭闔天門也紫廬紫微之庭天帝之居也弱冠求

仕男子二十曰弱冠童髻獻謨甘羅乘軫史記甘羅年十二秦以車五乘遣使趙還為上卿

卿子奇剖符說苑子奇十八齊使為東阿宰有善績古縣宰銅章墨綬英英終賈高論

雲衢漢書終軍年十八詣長安上書言事賈誼年二十餘文帝召為博士拔白就黑此自在

吾白髮臨拔瞋目號呼何我之冤何子之娛甘羅自以辨

惠作慧見稱不以髮黑而名著賈生自以良才見異不以烏

鬢而後舉聞之先民國用老成二老歸周周道肅清孟子二老

者天下之大老也而歸之言呂尚伯夷歸文王周之王道以成周書永清四海四皓佐漢漢德光

明商山四皓從太子之位以定何必去我然後要榮咨爾白

髮事故有以爾之所言非不有理曩貴者老今薄舊齒皤

皤榮期皓首田里列子榮啟期年九十行乎邾野披鹿裘帶索鼓琴而歌又見家語雖有

二毛河清難俟左傳不禽二毛又俟隨時之變見歎孔子

易隨時之義大矣哉髮乃辭盡誓以固窮昔臨玉顏今從飛蓬髮膚

至昵尚不克終聊用擬辭比之國風

### 枯樹賦

庾信

此賦有碑本傳于世末題貞觀四年十月八日為燕國公書又細書其旁凡肆伯陸拾柒字其後跋云右枯樹賦二卷乃褚河南真跡也按徐浩書品云中宗時內出二王墨帖三十卷賜中書令宗楚客楚客裝作屏風十二扇以褚遂良枯樹賦為脚魏鄭公嘗謂遂良下筆通勁甚得逸少體質二說以驗此賦及字勢雖無姓氏信為河南書不誣矣熙寧四年三月三十日丹陽蘇頌子容題舊編字

畫未免有差今  
一以碑本為正

殷仲文風流儒雅海內知名代異時移出為東陽太守常

忽忽不樂願庭槐而歎曰此樹婆娑生意盡矣晉書殷仲文少有才

藻美容貌仲文之妻桓立之姊也立篡位以佐命親貴帝

初反正抗表自解乞待罪私門詔不許因月朔與眾至大

司馬府府中有老槐樹願之良久而歎曰此樹婆娑無復

生意忽遷為東陽太守意彌不平後伏誅桓立父温為大

司馬立既誅夷故仲文見其至如白鹿貞松熒煌郡蒼松

庭槐而歎與賦所述稍異

南山有松陝縣南十里有白鹿塞地多古

松白鹿棲息其下因而得名見十三州記

秦文公伐雍州南山文梓木有青牛出走豐水立中記

云干歲之木精為青牛史記作伐南山大梓豐大特

根

抵盤魄山崖表裏桂何事而銷亡漢武帝作賦以悼李夫

其辭曰秋氣潛以淒

戾兮桂枝 落而銷亡 桐何為而半死尺而無枝其根半死半生 昔

之三河徙植史記唐人都河東殷人都河內周九畹移根

楚辭余既滋蘭之九畹據此則木蘭也九開花建始之殿曹操起建始落實睢

陽之園九域志睢陽郡有梁孝王東苑方三聲含嶰谷曲

抱雲門漢書律歷志伶倫取竹之嶰谷制十二箛以聽鳳

鳴周禮大司樂雲門之舞注雲門黃帝樂言木中

含抱自然將雛集鳳比翼巢鴛臨風亭而唳鶴對月峽而

吟狻以上木之得地茂盛時乃有拳曲擁腫盤坳反覆熊

彪顧盼魚龍起伏節豎山連文橫水蹙皆古木怪形狀匠石驚視

公輪眩目匠石公輪班並古雕鐫始就剗剗仍加平鱗鏟

甲落角摧牙重重碎錦片片真花紛披草樹散亂煙霞皆形

容木中若夫松子古度平仲君遷四木名也古度木不華

之文

而實子皆從皮中出大

如安石榴正赤初時可煮食平仲木子如瓠形左太冲吳

都賦木則楓桺豫章平仲君遷松梓古度注以松梓為二

木今當作松子蓋結森梢百項槎梓千年東京賦山無槎

實可食者出南海枿梓即枿字五

割反舊本秦則大夫受職秦始皇東封泰山風雨驟至

作枿非避于松下因封為五大夫漢

則將軍坐焉東漢馮異獨屏樹下莫不苔埋菌歷鳥剥蟲

穿低垂於霜露撼頓於風煙東海有白木之廟西河有枯

桑之社北陸以楊葉為關南陵以梅根作冶四方廟社關

名者木今何在名則長存伊淮南王安

尹生於空桑豈西河地邪招隱序曰

招隱士者淮南小山之所作也其辭云桂樹

叢生兮山之幽又云攀援桂枝兮聊淹留扶風則長松

繫馬劉琨扶風行繫馬長

繫馬松下發鞍高岳頭豈獨城臨細柳之上塞落桃林

之下漢周亞夫屯細柳以備胡據匈奴傳在長

安城西左傳晉侯使詹嘉以守桃林之塞若乃山河

阻絕飄零離別拔本垂淚人之失國喪家流離異域猶木之拔其本根移徙他處秦虜王

遷徙之漢中房陵遷思故鄉為山傷根流血魏志注曹瞞傳曰王使工

木之謳聞者莫不墮淚見淮南子蘇越徙美黎掘之根傷盡出血火入空心膏流斷節橫洞口而敬臥頓山

要而半折文衰者合體俱碎要與腰同理正者中心直裂

戴癭銜瘤癭瘤因木被傷結成癭瘤大如栲老車輪者剖之有文藏穿抱穴木魅賜

睽山精妖孽賜施隻反睽失冉反疾視貌木之妖化為鬼魅能變形觀視人鮑昭蕪城賦木魅山鬼

况復風雲不感易雲從龍風從虎君臣會遇如風雲之感召羈旅無歸未能採

葛還成食薇未能効職於君困於祿養周詩采葛鄭氏箋采葛喻臣以小事使出史記夷齊采薇而食

之沈淪窮巷蕪沒荆扉既傷搖落彌嗟變衰人處困頓憔悴之際猶木

之摧折枯淮南子劉木葉落長年悲斯之謂矣乃安所為書

為歌曰建章三月火

項羽至咸陽燒秦宮室三月火不滅漢武帝柏梁宮災越人勇之言當大

起宮室以厭勝之於是作建章宮

黃河千里槎

博物志有居海島者每年見浮槎往來不失期遂齋

糧乘槎任其所之至犯牛女星然後知黃河與天漢通

若非金谷滿園樹即是河陽

一縣花

言今之煨燼漂流者即前日之清蔭而繁花者桓也石季倫金谷園潘岳為河陽令滿縣栽桃花桓

大司馬聞而歎曰昔年移柳依依漢南今看搖落悽愴江

潭樹猶如此人何以堪

桓温自江陵北行經少時所種柳處皆十圍蹴然歎曰木猶如此人

何以堪仲文為東陽太守在桓立既敗之後信因其與歎庭槐而賦末乃謂其父聞而興歎蓋援辭以明意也

遊後園賦

謝朓

朓集云奉隨王敎作齊書朓字元暉為隨王鎮西功曹轉文學隨王齊武帝子也名子隆領鎮荊州

積芳兮選木

園林叢集眾芳遴選佳木植之

幽蘭兮翠竹上蕪蕪兮蔭景



下田田兮被谷左蕙畹兮彌望右芝原兮寫目山霞起而

削成孫綽天台賦赤城霞起以標水積明以經復於是

微風闐之藹藹聳雲館之迢迢周步檐以升降對玉堂之

淡寥追夏德之方暮望秋清之始颿藉宴私而遊衍時晤

諳而逍遙詩可與晤語鄭氏曰晤猶對也爾乃日栖榆柳霞照夕陽孤蟬

已散去鳥成行惠氣湛兮帷殿肅清陰起兮池館涼陳象

設兮以玉瑱設器玩之屬瑱充耳也象設陳前以玉為瑱言耳目所接無非珍異國語以規為瑱詩玉

之瑱也象披蘭籍兮咀桂漿典籍薰以香草披玩以咀其芳潤仰徽塵兮

美無度奉英軌兮式如璋徽塵英軌言隨王之風儀詩彼其之子美無度孔氏曰不可以

尺寸量也左傳思我王藉高文兮清談預舍毫兮握芳度式如玉詩如圭如璋

謂

則觀海兮為富乃游聖兮知方

孟子觀於海者難為水游聖人之門者難為言

假此言王門文章之富奉命難於措辭

古文苑卷七終

古文苑卷八

宋章樵註

歌曲詩

黃鵠歌

漢昭帝

始元元年黃鵠下太液池上為歌曰

漢書昭帝始元元年春二月黃鵠下建章

宮太液池中公卿上壽按高祖歌曰鴻鵠高飛一舉千里正謂黃鵠也羣臣以為瑞故上壽稱賀是時帝初即位年

九歲

黃鵠飛兮下建章羽肅肅兮行蹒蹒金為衣兮菊為裳

唼荷荇

上林賦唼唼菁藻唼所甲反唼直甲反

出入蒹葭

叶韻合作藏于虛賦其埤濕則生蒹

葭藏葭音臧郎

自顧菲薄愧爾嘉祥

淋池歌

使宮人歌之

漢昭帝

三輔黃圖昭帝始元元年穿淋池廣千步東引太  
 液之水池中植分枝荷一莖四葉狀如駢蓋每遊  
 燕出入或翦以為衣或折以障日以為戲弄帝時  
 命木嬉以文梓為船木蘭為棹刻飛鸞翔鶴飾於  
 船首隨風輕漾畢景忘歸按昭帝幼冲嗣位天姿  
 儘高輔導承弼者無其人至忘無逸之戒溺於流  
 連遊戲之樂歌辭有雲光開曙之句蓋通夕徹曉  
 也其意猶以為未足卒損德性遽天天年豈不惜  
 哉

秋素景兮泛洪波揮纖手兮折芰荷涼風淒淒揚棹歌雲  
 光開曙月低河萬歲為樂豈云多

招商歌

漢靈帝

秋屬金於五音為商招商者迎秋音之至也晉王  
 嘉拾遺記漢靈帝起裸游館千閒渠水繞砌蓮大

如蓋長一丈其葉夜舒晝卷名夜舒荷宮人靚妝解上衣著內服或時裸浴其荒淫若此欲不亡得乎

涼風起兮日照渠青荷晝偃葉夜舒惟日不足樂有餘清

絲流管歌玉鳧絲管琴瑟簫笛之屬玉鳧曲名千年萬歲嘉難踰

### 落葉哀蟬曲

漢武帝

此曲必為李夫人作外戚傳云李夫人少而蚤卒上思念不已令方士齊人少翁夜致其神作詩令樂府諸音家絃歌之

羅袂兮無聲玉墀兮塵生虛房冷而寂寞落葉依於重扇望彼美之女兮安得感余心之未寧

### 柏梁詩

漢武帝

漢武帝元封三年作柏梁臺詔羣臣二千石有能為七言

詩乃得上座三輔黃圖柏梁臺武帝元鼎二年春起之臺

也帝嘗置酒其上詔羣臣和詩能七言者乃得上與此所紀之年不同蓋柏梁建於元鼎二年登臺賦詩乃元封三

也年

日月星辰和四時皇帝驂駕駟馬從梁來梁孝王武郡國士馬羽

林材大司馬漢制郡國之兵有期門羽林據百官表元狩四年衛青為大司馬大將軍霍去病為大司馬驃騎

將軍至六年去病薨是時總領天下誠難治丞相石慶治青兼二職詩亦再廢邪

和撫四夷不易哉大將軍刀筆之吏臣執之御史大夫倪寬撞鐘

伐鼓聲中詩太常周宗室廣大日益滋宗正劉周衛交戟

禁不時衛尉路總領從官柏梁臺光祿勳平理請讞決嫌

博德

疑廷尉杜周修飭與馬待駕來太僕公郡國吏功差次之大鴻臚

充乘輿御物主治之少府王陳粟萬石揚以箕大司農

道宮下隨討治執金吾三輔盜賊天下危左馮翊

扶風為三輔言夾輔中尉豹盜阻南山為民災右扶風

帝居不可有盜賊京兆尹漢書竇嬰田蚡

下騷動據此詩外家公主不可治京兆尹漢書竇嬰田蚡

之嬰景帝從舅蚡太后同母弟故言俱外家與文帝女館

陶長公主王太后女平陽南宮隆慮三公主皆恣橫不法

是時嬰蚡俱已死太詹事椒房率更領其材蠻夷朝賀常

舍其典屬柱枿薄櫨相枝持大枇杷橘栗桃李梅太官走

狗逐兔張罟置上林鬻妃女脣甘如飴郭舍迫窘詰屈幾

窮哉東方朔善諧謔此語蓋戲弄羣臣也按此詩羣臣



規倣之意者齊梁閒多倣其體而骨氣寢不及

### 古梁父吟

舊註中都縣有公孫捷田疆古治子墓案三士皆齊人

### 諸葛亮

亮躬耕壠畝好為梁

父吟歐陽詢藝文類聚載此篇云蜀志諸葛亮梁父吟又云陳武別傳曰武學泰山梁父吟則其聲調世傳之久矣梁父泰山傍小山邱墓所在

步出齊城門遙望蕩陰里里中有三墓纍纍正相似問是誰家墓田疆古治子力能排南山文一作是能絕地紀一朝

被讒言二桃殺三士晏子曰公孫捷田開疆古治子事景公勇而無禮晏子言於公饑之二桃

曰二子計功而食桃公孫捷曰吾再拜隱虎功可以食田

曰吾杖兵而御三軍者再功可以食古治子曰君當濟河

龍銜左驂治潛行水底逆流百步從流九里得龍頸功可以食二子曰吾勇不若子功不逮子取桃不讓是貪也然

而不死無勇也刎頸而死治曰二子死之治獨不逮又刎  
頸而死古人贈賜如素絲表其潔白匹絹使之自裁皆因  
物寓意三士與二桃猶言二可逃誰能為此謀國相齊晏  
死不能免三子乃爭先就死惜哉  
子晏嬰齊之名相乃有殺士之醜史傳不載豈為賢者諱  
邪或曰曹操既殺孔融楊修又送禰衡於荊州假手黃  
祖三子者天下之望也  
武侯梁父吟殆為此設

### 錄別詩八首

### 李陵

眉山蘇氏曰劉子玄辨文選所載李陵與蘇武書  
非西漢文蓋齊梁間文士擬作者也吾因悟陵與  
蘇武贈答五言亦後人所擬又云齊梁文章衰陋  
而蕭統尤為卑弱文選引斯可見矣如李陵書蘇  
武五言皆偽而不能辨以前詩  
為非真則此數篇不言可知

有鳥西南飛

鴈也所謂陽鳥熠熠似蒼鷹

言飛疾朝發天北隅暮聞

日南陵

北隅匈奴也南盛明之地

欲寄一言去託之賤綵

繪因風附輕翼以遺心蘊蒸蘊蒸猶鬱陶也鳥辭路悠長

羽翼不能勝意欲從鳥逝鴛馬不可乘

爍爍三星列三星參也秋分後見於東方拳拳月初生拳拳曲貌寒涼應節

至蟋蟀夜悲鳴晨風曉風也動喬木枝葉日夜零遊子暮思

歸塞耳不能聽遠望正蕭條百里無人聲豺狼鳴後園虎

豹步客庭遠處天一隅苦困獨零了親人隨風散歷歷如

流星三萃離不結蘋藻萍皆浮水而生根不著土以喻此身之漂流思心獨屏營

願得萱草枝萱忘憂草也詩焉得諼草言樹之背以解飢渴情

寂寂君子坐奕奕合眾芳猶言眾賢也離騷固眾芳温聲

何穆穆因風動馨香清言振東序良時著西庠初武兄弟並為郎後

以中郎將使匈奴此言武在漢庭時議論出諸人之右今  
羈旅異域無復羣賢盍簪之樂故首句稱寂寂君子坐温  
和也詩穆乃命絲竹音列席無高唱悲意何慷慨清歌正  
如清風

激揚長哀發華屋四坐莫不傷

晨風鳴北林晨風鷓也陸機疏曰鷓似鷓青熠燿東南飛

熠燿螢火也詩熠燿宵行晨飛之鳥鳴于幽陰夜行之蟲向陽而飛言物不得其宜以諭身之失所寄也願言

所相思日暮不垂帷明月照高樓想見餘光輝玄鳥亦名燕也

夜過庭髣髴能復飛褰裳路踟躕彷徨不能歸浮雲日

千里安知我心悲思得瓊樹枝以解長渴飢淮南子崑崙山有曾城九

重上有珠樹玉樹

陟彼南山隅送子淇水陽爾行西南游我獨東北翔轅馬

顧悲鳴五步一彷徨雙鳧相背飛相遠日已長

雙鳧以比蘇李一體

人因去畱有南北之異

遠望雲中路想見來圭璋

雲中近塞郡名圭璋所以通好萬

里遙相思何益心獨傷隨時愛景耀願言莫相忘

鍾子歌南音

楚人鍾儀繫於晉晉侯與之琴操南音公仲曰樂操土風不忘舊也遂釋之事見左傳仲

尼歎歸與

論語子在陳曰歸與歸與

戎馬悲邊鳴遊子戀故廬陽鳥歸

飛雲蛟龍樂潛居

言物之飛潛各欲遂其性禹貢陽鳥攸居謂鴈也

人生一世閒

貴與願同俱身無四凶罪何為天一隅

堯時四凶以罪投四裔

與其

苦筋力必欲榮薄軀不如及清時策名於天衢

易何天之衢亨文選

陵答武書云策名清時榮問休暢言已不若武之全節而回身名俱榮

鳳凰鳴高岡有翼不好飛安知鳳凰德貴其來見稀

闕

紅塵蔽天地白日何冥冥

闕

答李陵詩

蘇武

童童孤生柳寄根河水泥

童童獨立貌柳易衰之木又託根浮淺諭此身脆弱客寓異域

連翩遊客子于冬服涼衣去家千里餘一身常渴飢寒夜

立清庭仰瞻天漢湄寒風吹我骨嚴霜切我肌憂心常慘

戚晨風爲我悲瑤光游何速

瑤光言光陰之可寶

行願去何遲仰視

雲閒星忽若割長帷

如發蒙蔽而有所睹

低頭還自憐盛年行已衰

依依戀明世愴愴難久懷

別李陵

蘇武

雙鳧俱北飛一鳧獨南翔子當畱斯館我當歸故鄉一別

如秦胡會見何詎央愴恨切中懷不覺淚沾裳願子長努  
力言笑莫相忘

臨終詩

孔融

本傳融為太中大夫見曹操雄詐漸著頻書爭之  
多致乖忤又奏宜準古王畿之制千里寰內不以  
封建諸侯操疑其所論建漸廣並憚之郗慮承旨  
以微法免融又令路粹枉奏融下獄棄市眉山蘇  
氏云世之議公者皆以臨難不懼談笑就死為雄  
為之贊曰我宗若人尚友千祀視公如龍視操如  
鬼

言多令事敗器漏苦不密

易曰君不密則失臣臣不密則失身機事不密則害成文舉豈

至此方悟邪

河潰蟻孔端山壤由猿穴

言國家敗壞皆起於不能防微杜漸涓涓

江漢流天窗通冥室

涓涓小水能益江漢天窗容隙能通暗室言已之寸忠或能裨國事開人

也心讒邪害公正浮雲翳白日靡辭無忠誠華繁竟不實人

有兩三心安能合為一

言不忠之人常懷二三心安能與我心合

三人成市虎

言鄙慮路粹相與構成已罪以虛為實猶言市中有虎也市虎事見戰國策

浸漬解膠漆

膠漆猶可

解况相信之心本不固邪

生存多所慮長寢萬

一作

事畢

長寢猶長夜也

### 離合作郡姓名字詩

孔融

漁父屈節水潛匿方

離魚字

與昔進止出行施張

離日字魚目合成魯

呂公磯釣盍口渭旁

離口字

九域有聖無土不王

離或字口或合成國

好是正直女回子匡

離子字

海內有截隼逝鷹揚

當離乙字恐古文與

今文不同

六翻將奮羽儀未彰

離鬲字

蛇龍之蟄俾也可忘

合成立融

玳璇隱曜美玉韜光

去玉成文不須合

無名無譽放言深



藏離與

按轡安行誰謂路長

離才字合成舉此以文為戲後人多倣之如眉山蘇氏離

合硯蓋字云研石猶在峴山已頽姜女既去孟子不來尤為簡妙漢上黨郡有石研關音形

### 六言詩三首

孔融

文舉平時譏嘲慢侮曹操如待小兒天子在許無異羈囚操弒伏后鳩二皇子人神共憤此詩稱美不暇又率直略無含蓄必非其真本傳稱魏文帝深好融文每歎曰揚班儔也人有上融文章者賞以金帛豈好事者假此以說不邪

漢家中葉道微董卓作亂乘衰僭上虐下專威萬官惶怖

莫違百姓慘慘心悲

漢靈帝崩董卓廢太子辯立獻帝自為相國專權用事

郭李分爭為非遷都長安思歸瞻望關東可哀夢想曹公

歸來

獻帝初平元年二月遷都長安卓發掘洛陽諸帝陵三年誅董卓部曲將李傕郭汜等反陷長安城惟汜

爭權治兵相攻催迎帝  
幸其營燒宮殿官府  
從洛光武改洛為雒東漢人不用此洛字魏初下詔去雒加水

到許魏魏

曹公輔國無私減去廚膳甘肥羣僚率從祈祈雖得俸祿

常飢念我苦寒心悲建安元年楊奉韓暹奉車駕至雒陽時宮室燒盡百官披荆棘依牆壁間

州郡委輸不至羣僚乏食曹操在許謀迎天子乃將兵詣雒陽引董昭問計遂遷都許

雜詩二首

孔融

巖巖鍾山首十洲記鍾山在北海之干地仙家種芝赫赫巖巖高峻貌鍾山之顛至北極寒之所赫赫

炎天路淮南天文訓天有九野去地五億萬里南方曰炎天赫赫熾盛貌二句言世道炎涼之相絕高

明曜雲門遠景灼寒素雲門謂門地穹崇上侵雲漢遠景猶餘光也二句指勢位隆盛者氣

薰灼箴之所昂昂累世士結根在所固昂昂特貌累世猶間世也豪傑之士累世一

生植根秉節在我者貞  
固不為世俗炎涼所移  
呂望老匹夫苟為因世故呂望年已八十

釣於磻溪當殷之末遂佐周  
興王因時就功所為亦苟矣  
管仲小囚臣獨能建功祚魯殺

子糾管仲請囚卒相齊桓九  
合諸侯同尊周室以立伯功  
人生有何常但患年歲暮幸

託不肖軀且當猛虎步言羣雄肆毒時方多難  
安能苦一身與世同

舉厝由不慎小節庸夫笑我度文舉倜儻尚氣不拘小節不知者謂之志廣才疏

呂望尚不希夷齊何足慕呂望貪功夷齊徇名二者皆非所志是時曹操勢欲薰灼上下

士大夫爭趨附之文舉獨立頽波中屹然砥柱壯哉

遠送新行客歲暮乃來歸入門望愛子妻妾向人悲聞子

不可見日已潛光輝孤墳在西北常念君來遲褰裳上墟

邱但見蒿與薇白骨歸黃泉肌體乘塵飛生時不識父死

後知我誰孤魂遊窮暮飄飄安所依人生圖享息爾死我  
念追俛仰內傷心不覺淚沾衣人生自有命但恨生日希  
文舉遇害男女長幼凡四子操  
皆殺之此子歿於孩提史不載

### 述婚詩

秦嘉

婚禮合二姓之好為人倫  
之端家道之本當謹其始

羣祥既集二族交歡敬茲新姻六禮不愆

儀禮婚有六禮  
納采問名納吉

納徵請期親迎羔鴈總備玉帛粢粢

羔鴈玉帛所以將其禮易  
東帛粢粢財干切委積貌君

子將事威儀孔閑猗兮容兮穆矣其言

君子謂主婚及掌  
判者親迎壻之女

家前五禮必有將其事者儀  
禮國君用卿其次有介有賓紛彼婚姻禍福之由衛女興

齊襄姒滅周

齊威始立衛姬為夫人伯業以與矧女傳威  
公好淫樂衛姬為之不聽鄭衛之音幽王以

褒姒為后卒致犬戎之禍  
詩赫赫宗周褒姒滅之

戰戰兢兢懼德不仇神啟其吉

果獲令攸我之愛矣荷天之休

男女各懼其德不足以相配則思自警救終受天佑

思親為潘文則作

王粲

摯虞文章流別云王粲所與蔡子篤及文叔良士孫文始楊德祖詩及所為潘文則作思親詩其文當而整皆近乎雅矣贈楊

修詩今亡三贈詩入選

穆穆顯妣德音徽止思齊先姑志侔姜姒躬此勞瘁鞠予

小子詩思齊大任文王之母大姒嗣徽音大姒文王妃邑姜武王妃文則自稱其母有和順之德能承先姑志

同周之姜姒勤勞以撫育其子小子之生遭世罔寧烈考勤時從之于征

奄邁不造殷憂是嬰烈考自稱其父也遭時亂離父征役于外已從行而父死不造謂家道不

成也詩遭家不造造孀孀在疚咨予靡及退守祧祊五服荒離四國分爭

禍難斯逼救死於頸

已嗟痛弗及期歸守祭祀而禍亂益甚書弼成五服詩洽此四國皆言天

下之廣漢末海內分裂日尋干戈不保首領

嗟我懷歸弗克弗逞聖善獨勞莫

慰其情春秋代逝于茲九齡

聖善謂母也詩母氏聖善母勞于家九年緬彼行

路焉託予誠予誠既否委之于天庶我剛妣克保遐年

亶惟懼心乎如懸

道途莫寄人子之情惟天佑之庶俾強健之母克享其壽此心常懸搖不安

如何不弔早世徂顛於存弗養於後弗臨遺愆在體慘痛

切心形景尸立魂爽飛沈

詩不弔昊天鄭氏箋猶不善也言不為天所佑早世傾逝子生

不能養死不獲臨哀痛罔極

在昔蓼莪哀有餘音我之此譬憂其獨深

小雅蓼莪之作孝子不得終養也言已之哀痛比蓼莪尤甚蓼音六

胡寧視息以濟于今巖

巖叢險則不可摧

何能存此餘生以至今日險難叢集莫可摧抑

仰瞻歸雲俯聆

飄回飛焉靡翼超焉靡階觸目傷懷恨身羈繫思若流波情似坻頽

詩之作矣情以告哀

元會詩

曹植

晉禮志漢儀有正會禮正旦受賀公侯以下執贊夾庭二千石以上升殿稱萬歲後作樂宴饗魏帝

都鄴正會文昌殿用漢儀此詩止述宴饗之禮

初歲元祚吉日惟良乃為嘉會宴此高堂衣裳鮮潔黼黻

玄黃珍膳雜遯充溢圓方黼黻貴者之服玄黃賤者之服圓方進饌之器俯視文

軒仰瞻華梁願保茲善千載為常衣服之美飲饌之盛宮室之麗君臣相與歡宴

必思有以保之然後能長世享此歡笑盡娛樂哉未央皇室榮貴壽考無

疆則朝廷尊榮享國長久歡樂有度存不盡之意

三月三日應詔詩

閻邱冲

續齊諧記晉武帝問三日曲水其義何指束皙對曰昔周公卜城洛邑因流水以汎酒故逸詩曰羽觴隨波又秦昭王三月上巳置酒河曲乃因其地立為曲水二漢相沿皆為盛集晉世多於是日幸華林園賜宴仍命羣臣賦詩

暮春之月春服既成

論語暮春者春服既成浴乎沂風乎舞雩

升陽潤土冰渙

川盈

詩溱與洧方渙渙兮士與女方秉蘭兮

餘萌達壤嘉木敷榮后皇宣遊

既讌且寧光光華輦詵詵從臣微風扇穢朝露翳塵上蔭

丹幄下藉文茵臨池挹盥濯故潔新俯鏡清流仰睇天津

藹藹華林巖巖景陽

陸翹鄴中記華林園中千金隄池通御溝梁簡文帝三日曲水詩序晉集

華林同文軌而高宴景陽山在華林園中

業業峻宇奕奕飛梁垂蔭倒景若翺



若翔棟字高峻日月反在下故云倒景

浩浩白水汎汎龍舟皇在靈沼百

辟同遊擊權清歌鼓柷行謳聞樂咸和具醉斯柔

言人心悅順君

臣有禮

在昔帝虞德被遐荒千戚在庭苗人來王

書舞于兩階七

甸有苗格

今我哲后古聖齊芳惠此中國以綏四方

詩大雅之辭

元

首既明股肱惟良樂只君子今日惟康

書元首明哉股肱良哉庶事康哉

### 大蜡詩

裴秀

字季彥河東聞喜人

晉書有傳

禮記郊特天子大蜡八蜡也者索也歲十二月合聚萬物而索饗之也八蜡以記四方年不順成八蜡不通以謹民財也順成之方其蜡乃通所以移民也

日躔星紀大呂司辰立象改次度眾更新

月令季冬日在婺女律中大呂

星紀牛女之次天象度歲事告成八蜡報勤一歲之事告成蜡以致報

數至此而周將更其端禮記注所告成伊何年豐物阜豐禋孝祀介茲景福謂祭

祭有八神入神孝祀謂祭先祖禮報勤伊何農功是歸穆穆我后矜

茲烝黎飲饗清祀四方來綏報農功終歲之勤故以民為重商名臘曰清祀蜡臘畢舉

均通充物郊甸鱗集京師交錯貿遷紛葩相追摻袂成幕

連衽成帷有肉如邱有酒如泉有肴如林有貨如山通四方之

物貨使之交易貿遷禮記曰既率土同懽和氣來臻朔風

蜡而收民息注收謂收斂積聚

叶順降祉自天方隅清謐嘉祚日延與人優遊享壽萬年

天時協序民物阜康終致祝辭於君

雜詩四首

王粲

粲集雜詩五首皆託物寓情得  
詩人比興遺意其一詩已入選

其一

吉日簡清時從君出西園方軌策良馬

粲辟丞相掾多與  
世子不臨菑侯植

游方軌並駕也並驅厲中原北臨清漳水西看柏楊山

清漳水名  
出上黨鄴

郡有臨漳縣柏楊山邱墓所聚之  
地詩有子在川上歎逝者之意

回翔遊廣囿逍遙波水

閒

其二

列車息眾駕相伴綠水湄幽蘭吐芳烈芙蓉發紅暉百鳥

何續翻振翼羣相追投網引潛魚强弩下高飛白日已西

邁歡樂忽忘歸

動植飛潛各遂其性無非天地生生之意  
人乃以好殺為樂而不知止亦不仁矣

其三

聯翻飛鸞鳥獨遊無所因

惡人成羣賢者欲出而不可

毛羽照野草哀

鳴入層雲

名譽已著而高舉遠引哀鳴者非其本心也

我尙假羽翼飛覩爾形

身願乃春陽會交頸邁殷勤

言賢哲知時遠引已欲從之游也陽春會謂俟時之泰

其四

鷺鳥化為鳩遠竄江漢邊遭遇風雲會託身鸞鳳閒

鷺鳥比貪

毒小人鸞鳳比君子詳味詩意當時或有所指

天姿既否戾受性又不閑邂逅見

逼迫俛仰不得言

言小人處君子之羣然化其形而不能革其心也

七哀詩

王粲

粲集七哀詩六首其二詩入選

邊城使心悲昔吾親更之冰雪截肌膚風飄無止期百里

不見人草木誰當遲遲與治同皆平聲謂芟除登城望亭隧翩翩飛戍

旗行者不顧反出門與家辭子弟多俘虜哭泣無已時征

死亡者不復反子弟在家者又為俘囚故哀傷之天下盡樂土何為久留茲蓼蟲

不知辛去來勿與諮蓼辛草蟲生其中習其氣味譬邊塞人久習風土不以為怪詩子又集于

蓼

### 嘲熱客

程魏人唐藝文志有程

曉集二卷

平生三伏時漢時東方朔傳伏日顏師古曰三伏之日也按歷家以六月節至立秋後三庚日為三伏

自秦始言陰氣將起金畏於火故至庚日必伏庚金也道里無行車閉門避暑臥出

入不相過只今襪子

音耐戴言不爽豁也類說集韻襪子不曉事之名

觸熱到

人家主人聞客來頓蹙柰此何謂當起行去安坐正咨嗟

所說無一急嘈嘈吟何多搖扇髀中疾

振搖兩股

流汗正滂沱

莫謂為小事亦是一疵瑕

過也

傳戒諸高明熱行宜見呵

世說

曰郗嘉賓三伏之日請謝公炎暑熏赫雖復當風交扇猶沾汗流離謝穿數絹衣食熱白粥晏然無異與此詩嘲誚

之意殊矣

古文苑卷八終

Blank columns containing faint bleed-through text from the reverse side of the page.

古文苑卷九

宋章樵註

詩

侍遊方山應詔

王

融

字元長琅邪臨沂人

輿地志湖熟西北有方山山頂正方上有池水按齊書武帝嘗幸方山顧左右欲經始山南為離宮以徐孝嗣之對而止應詔奉君命作也

巡躅望登年帳飲臨秋縣

巡躅遊幸之轍跡也言省耕省斂為農而出所望年豐也漢書

高祖過沛帳飲三日王制天子之縣內畿邑也

日羽鏡霜潯

家語赤羽若日羽旄旄也霜潯池水

旗落風甸

王制千里之內曰甸言旗幟如雲連互者遠

四瀛良在目八寓婉如

見

盛言山之高四瀛四海也孟子登太山而小天下

小臣竊自嘉預奉柏梁讌



柏梁臺讌羣臣詔  
令和詩見前註

### 遊仙詩五首

王融

遊仙者謂輕身遠舉超出人間上與羣仙遨遊也  
晉宋閒人多作此詩融集云應教按史齊武帝時  
竟陵王子良為護軍將軍兼司徒領兵置佐鎮西  
州才雋之士皆遊集其門融與范雲蕭琛任昉蕭  
衍謝朓沈約陸倕並以文學尤見親待  
號曰八友應教蓋奉子良之命而作

桃李不奢年桑榆多暮節桃李喻盛年桑榆言晚景常恐秋蓬根連翩

因風雪習道徧槐岷追仙度瑤碣槐岷瑤碣仙家境界綠帙啟真辭

丹經流妙說綠帙丹經仙家之書長河且已榮榮者草木之榮華猶言海變桑田曾

山方可礪曾與層同漢書泰山若礪叶韻入聲

獻歲和風起獻歲始歲元日也周禮正月之吉始和日出東南隅鳳旂亂煙

道龍駕溢雲區

鳳羽為旗以龍引車楚辭龍駕兮帝服又孔蓋兮翠旂

結賞自員嶠

移讌乃方壺

員嶠方壺海中山神仙家居其上

金危浮水翠玉罽挹泉珠

徒用

一作由

霜露改終然天地俱

命駕瑤池隈

西王母宴周穆王於瑤池之上

過息羸女臺

秦穆公女弄玉能吹簫作鳳吟

常居臺上後乘鸞仙去羸秦姓

長袖何靡靡簫管清且哀璧門涼月舉珠

殿秋風迴

璧門珠殿神仙之所居

清鳥驚高羽王母停玉杯

青鳥西王母之

使青鸞來迎王母停杯以待之

舉手暫為別

王子喬乘白鶴於緱氏山頭舉手謝時人而去

千年

將復來

搜神記有鶴書遼東城門華表柱曰丁令威去家千歲今來歸

湘沅有蘭芷泊吾欲南征

湘沅二水名皆在江南楚辭湘夫人篇沅有芷兮澧有蘭澧亦

水遺珮長出浦

楚辭遺吾珮兮澧浦韓詩外傳鄭交甫遵彼漢皋遇二女珮珠而遊解珮以遺交甫

舉袂望增城

崑崙山有閩風增城皆神仙所居

朱霞拂綺樹白雲照金楹

五芝多秀色

五色芝也本草芝生於五岳各如其方之色言仙境五色芝並秀

八桂常冬

榮

山海經曰桂林八樹在賁隅東楚辭麗桂木之冬榮

弭節且夷與參差聞鳳笙

與平

聲夷與猶徜徉也鳳笙王子喬事

命駕隨所即燭龍導輕驪

燭龍駕日之神言仙者驪御所至燭龍為之引導

沙澤

振寒草弱水駕冰潮

沙澤流沙也西母瑤池有沙澤之阻海中神山有弱水之隔振寒草駕冰

潮言命駕可到

遠翔馳聲響流雪自飄颻

仙境出乎日月之表多寒穆天子傳天子遊黃

臺之邱驚於革澤日中大寒飄風雨雪

忽與若人遇

融集作若士神仙傳盧敖見若士謂敖曰吾與

汗漫期於九垓之外不可久留

長舉入雲霄羅澤徒有睨鷓明已寥寥

鷓明

似鳳南方神雀揚子鷓明冲天言仙舉者如神禽之運寥廓非世網所可羈絆

奉和南海王殿下詠秋胡妻

南海王子罕齊武帝子

王融

魯秋胡子納妻五日而去官於陳五年乃歸未至其家見路傍有美婦人方采桑秋胡子悅之下車謂曰力田不如逢少年力桑不如見公卿吾有金願以贈夫人婦人曰噫妾采桑奉二親不願受人之金秋胡子遂去至家奉金遺母婦晚而至乃向來采桑者婦曰子辭親往仕五年乃還而悅路傍之婦人解子裝金以與之而忘其母也妾不忍見不孝之人遂去走投於河而死見列女傳

日月共為照

喻夫婦之道相須而成

松筠俱以貞

婦人之義從一而終

佩紛甘

自遠

佩左紛幌右箴管之屬詩女子有行遠父母兄弟

結鏡待君明

結鏡嫁時妝具妻稱夫曰

君

且協金蘭好

易二人同心其利斷金同心之言其臭如蘭

方愉琴瑟情

詩妻

合如鼓瑟琴

佳人

猶美人也

忽千里幽閨積思生

右一

景落中軒坐悠悠望城闕高樹升夕煙層樓滿初月光陰  
非或異川山屢難越輟泣揜鉛姿搔首亂雲髮  
蓬  
詩自伯之東首如飛

右二

傾魄屬徂火  
傾魄殘月也徂火暑將退也詩六月徂暑夏屬火  
搖念待方秋涼氣

承宇結明熠僚階流  
明熠螢也詩熠宵行  
三星亦虛映  
三星參也婚姻之候

獨處故言虛映  
四屋慘多愁  
四屋猶四壁  
思君如萱草一見乃忘憂

右三

杼柚鬱不諧契闊彌新故  
詩死生契闊言一歲將周  
朔風欄上發寒鳥

林閒度客遠乏衣裘歲晏饒霜露參差與別緒依遲起離  
慕

右四

願言如可信行邁亦云反睇景不告勞瞻途寧遽遠何以

淹歸轍蠶妾事春晚送目亂前華馳心迷舊婉言秋胡眩惑顏色此

心已馳不省其妻舊時婉變之容

右五

椒珮容有結振芳跂路隅黃金徒以賦白珪終不渝婦節堅貞

如白珪之不可變明心良自皎安用久踟躕遘車及粉巷流日下

西虞日沒之地謂之虞淵粉巷里巷也植粉榆以爲表言歸至里巷日以西墜

右六

披帷惕有忘出門遲所欲

遲去聲待也言待其妻之歸

彼美後來儀慙

顏變欣矚蘭艾隔芳臭涇渭分清濁

蘭香草艾白蒿也楚辭戶服艾以盈要兮

謂幽蘭其不可佩涇水濁渭水清詩涇以渭濁薰蕕不可同器涇渭不容混流以喻胡妻不願與胡同居

去去

夫人子請殉川之曲

去去舍去之也鼂錯父曰吾去公歸矣夫人子指胡不能奉其親遂自投

於水生葬曰殉

右七

舊本止六首今據融集添入足之

栖玄寺聽講畢遊邸園

王融

齊史竟陵王子良篤好釋氏招致眾僧講論佛法道俗之盛江左未有故其寮佐俱往僧寺聽講子

良闕西邸以招文學邸中有園

道勝業茲遠心閑地能隙桂崦鬱初栽蘭墀坦將闢虛檐

對長嶼高軒臨廣液液池水也芳草列成行嘉樹紛如積流風

轉還逕還音旋謂回旋之逕清煙泛喬石日泊山照紅松映水華碧

暢哉人外賞遲遲眷西夕

### 別蕭諮議衍

任

昉

字彥升樂安博昌人

時為殿中郎

梁書武帝諱衍字叔達南蘭陵中都里人姓蕭氏

初仕齊累遷隨王鎮西諮議參軍隨王名子隆齊

武帝子置鎮荊州衍赴鎮時同列以詩送別今觀

賓主倡酬皆流連惜別無激昂為國之志足見江

表士夫宴安

江沲氣象

離燭有窮輝別念無終緒岐言未及申離目已先舉揆景



巫衡阿

景日也言計日至  
荆州巫山之阿

臨風長楸浦

地名也

浮雲難嗣音

徘徊悵誰與儻有關外驛聊訪狎鷗渚

邊鎮有關以防不虞言已無意功名

當求閒退後有驛使至關外可  
訪諸鷗鷺之羣狎鷗見于列子

王延

霏雲承永夜皓燭驚離軒執酒愴誰與舉袖默何言忍茲

君為別如此歲方暄年深北岫時鳥思南國園

南國指帝都金陵也

江上愁別日階下樹芳蓀

宗史

別酒正參差乖情將陸離悵焉臨桂苑悶默瞻華池

桂苑華池

皆遊樂之地以離緒方結對之悵悶

輕雲流惠采時雨亂清漪眇眇追蘭逕

悠悠結芳枝眷言終託何心寄方在斯

王融

徘徊將所愛惜別在河梁

謂攜寵愛之姬妾李陵別蘇武詩攜手上河梁遊子暮何之

衿袖三處隔

諮議與諸賢別及姻侍有不隨行者明日成三處

江山千里長寸心

無遠近邊地有風霜

齊與元魏為敵國故荊州為邊地

勉哉勤歲暮敬矣

事容光山川殊未懌杜若空為芳

言山川悠遠離思方結非遺以香草能悅懌其

情楚辭芳洲兮杜若將以遺兮下

蕭諮議衍答

問我去何節光風正悠悠蘭華時未晏舉袂徒離憂緩客

承別酒鳴琴和好仇

前詩謂將所愛者詩窈窕淑女君子好仇

清宵一已曙藐

爾泛長洲言天色未曉即解舟前邁眷言無歇緒深情附還流還音旋旋流回

潮也自金陵西上潮至彭浪磯而回

前夜以醉乖例今晝由醒敬應教

蕭琛

琛在才雋八友之數即夕被酒無詩此篇續寄應教蓋隨王子隆促之使賦

落日總行轡薄別在江干遊客無淹期長洲有急瀾言潮至即

解纜分手信云易相思誠獨難之子兩特達伊余日盤桓詠

此式微歲共賞階前蘭詩式微式微胡不歸又采薇詩曰歸日歸歲亦陽止言當早歸共賞

芳時

和王友德元古意二首

王融

舊註沈右率等並和數十人文多不載齊書德元  
王晏之子也有意尙至車騎長史忠臣不忘其君  
猶貞婦之思念其良人騷雅  
比興皆然二詩蓋擬古遺意

遊禽暮知反行入獨未歸坐銷芳草氣空度明月暉曠容

入朝鏡思淚點春衣巫山采雲合淇上綠條稀宋玉所賦高唐巫山

之雲衛詩送我乎淇之上矣皆合之不以正者待君竟不至秋鴈雙雙飛睹物感時

霜氣下盟津秋風度函谷盟津一曰孟津在河北函谷關在弘農縣一處行人往來之衝

也念君淒已寒當軒卷羅縠織手廢裁縫曲鬢罷膏沐詩余

髮曲局豈無膏沐誰適爲容千里不相聞寸心鬱紛蘊平聲况復飛螢夜

木葉亂紛紛喻小人乘閒以亂政

### 餞謝文學離夜

齊書謝朓字元暉陳郡夏陽人少好學文章清麗  
為隨王鎮西功曹轉文學隨王子隆在荊州好辭  
賦數集僚友朓以文才尤被賞愛蓋朓自京趨  
荊州時同朝諸賢以詩餞別也後至吏部郎

沈

約南史沈約  
字休文仕

齊為太子右率  
遷國子祭酒

漢池水如帶巫山雲似蓋

左傳楚國漢水以為池漢書黃  
河如帶巫山高唐之雲宋玉嘗

賦之魏志文帝生時  
有雲青色園如車蓋

澗汨背吳潮潺湲橫楚瀨

言舟行自  
吳入楚荆

州故楚地也

一望沮漳水寧思江海會

漳水在南郡當陽縣與  
沮水合流屬荊州境言

人遠別不若眾水會  
于江海為可期也

以我徑寸心從君千里外

虞炎

謝宣城集  
附載餞別

詩共七首此詩云虞別駕炎又有和竟  
陵王望雷居六精舍及詠簾詩皆炎作

差池鷺始飛羃厯草初輝

詩燕燕于飛差池其羽羃厯稠密覆地也春日照映百草生輝

離人悵東顧遊子愴西歸

荆州在金陵之西

清潮已駕渚溽露復

沾衣一乖當春聚方掩故園扉

范

雲

南史范雲字彥龍南

鄉舞陰人有識見善屬文通直蓋倡和時

職銜後仕梁官至尚書右僕射領吏部

陽臺霧初解

雲陽之臺宋玉賦朝朝暮暮陽臺之下

夢渚水裁淥

雲夢澤之洲渚左傳

楚子田于江南之夢

遠山隱且見平沙斷還續分絃饒苦音別唱多

悽曲爾拂後車塵

謂參陪副車之人當蒙振拔脫去塵埃

我事東臯粟

已當納祿

求閒從事農畝陶淵明詩種苗在東臯

王

融

所知共歌笑

論語舉爾所知謂心相孚之人也

誰忍別笑歌離軒思黃鳥

縣蠻詩曰縣蠻黃鳥止于邱阿道之云遠我勞如何言行役之勞思若黃鳥之得所止

分渚愛

音愛愛對

草盛也

青莎翻情結遠旆灑淚與行波春江夜明月還望情

如何

蕭琛

執手無還顧別渚有西東荆吳眇何際煙波千里通春筍

方解籜弱柳向低風相思將安寄悵望南飛鴻

荆州在金陵西北望

南飛鴻俟音書之至

劉

繪

齊書繪字士章永明

末京邑人士盛為文章

談義繪為後進領袖

汀洲千里芳朝雲萬里色悠悠在天隅之子去安極春潭  
無與窺秋臺誰共陟不見一佳人徒望西飛翼欲寄音書

### 謝文學答

眺長五言沈約嘗云  
二百年來無此詩也

春夜別清樽江潭復為客歎息東流水如何故鄉陌重樹

始芬葢芳洲轉如積望望荆臺下歸夢相思夕荆臺楚人遊觀之所

家語楚王將遊荆  
臺司城子棋諫

### 寒晚敬和何徵君點

王融

齊書何點字子皙少不仕宋世徵為太子洗馬不  
就隱居東離門齊高帝受禪褚淵王儉為宰相點  
謂人曰我作齊書已竟贊云淵既世族儉亦國華  
不賴舅氏遑郵外家永明元年徵中書郎終不屬



疏酌候冬序閒琴改秋律如何將暮天復值西歸日搖落

迎軒牖陶淵明歸去來辭僮僕歡迎飛鳴亂繩華飛鳴猿鶴之屬繩華謂以繩為樞編竹為

門也灌字亦作慣煙灌其深陰木叢生也風篁兩蕭瑟虛堂無笑語懷

君首如疾詩甘心早輕北山賦周彥倫隱於鍾山後應詔出為海鹽縣令欲過北山

孔稚珪假山靈之意作北晚愛東臬逸阮籍奏記云將耕

山移文點早年已輕之東臬老子上德不德下澤有徐轡叶韻入聲必後漢書

之陽馬少遊乘下澤車御款段馬註下澤之車短轅

### 別王丞僧孺

王融

南史王僧孺東海剡人也仕齊為晉安郡丞遷尚書左丞兼御史中丞工於詩

首夏竇清和餘春滿郊甸花樹雜為錦月池皎如練如何

於此時別離言與面面一木留雜已鬱紆留雜別時相遺

以贈行舟亦遙衍非君不見思所悲思不見作讌

### 學古貽王中書

范雲

學古猶擬古也雲字彥龍舞陰人仕齊為通直郎按文選已收此篇諸家註甚詳輯者欲收王融報章故並錄此篇以見贈答往來之意

攝官青瑣闥省中門畫為青瑣文故謂之青瑣闥雲為通直郎得出入省闥故云攝官攝謙辭言非正也

遙望鳳凰池晉中興書曰荀勗陟中書監為尚書令人賀之乃發恚曰奪我鳳凰池諸人何賀我

邪融時為中書監誰言相去遠脈脈阻光儀相去雖邇岱山饒靈

異沂水富英奇齊書王融琅邪臨沂人岱山泰岳也屬琅邪郡境山川孕秀故產俊傑獨翮

凌北海翻飛出南皮舊註皆云徐幹居北海吳質游南皮言融之俊材軼氣超邁徐吳二子之

上遭逢聖明后來棲桐樹枝竹花何莫莫桐葉何離離鄭氏

詩箋鳳凰非梧桐不棲非竹實不食以喻賢者不苟就也可栖復可食此外亦何為高

祿厚尚復何求當知止足豈如鷦鷯者一粒有餘貲舊註謂雲以鷦鷯自況愚按莊子鷦鷯

鷦鷯巢林不過一枝張華賦申其意曰每食不過數粒蓋喻隱逸知足之士也雲與融同列恐不得以此自況

### 雜體報范通直

王融

齊書王融祖僧達中書令曾高並台輔融自恃門第三世相望為公輔直中書省夜歎曰鄧禹笑人彥龍貽詩蓋示規儆融嗜進欲速當齊武帝疾篤謀立竟陵王子良不克於獄中賜死

和璧荆山下隨珠漢水濱史記趙王得和氏璧秦願以十

之下者搜神記隨侯見大蛇傷救而治之蛇銜珠以報徑寸而夜光隨侯漢中國姬姓諸侯也希世之珍以喻閒生

賢才荆山漢水皆楚地無雙自昔代有美今為鄰二子以賢俊自負且其生同時古語

云千里一賢

猶為比鄰

三楚多秀士江上復才人

史記註孟康曰舊名江陵為南楚吳

為東楚彭城為西楚南郡屬荆

州居江之上游指彥龍所生地

左思吳都賦泉室潛織而卷綃張華博物志鮫人從水中

出向人家寄住積日賣綃言才智之士積德累譽如織綃

然由尺寸以成端匹亦非善賈待時者論語求

善賈而沽諸惟遇聖德之君則人臣可名於世

追飛且學

步謙辭以答獨其子奉清塵宮殿深靖紫庭風日好青槐

枝葉新帝王之居象北極紫微宮故徘徊吹樓側麗譙樓也欲

見心所親指彥龍菊君蘭蕙草何用以書紳菊未詳音義融集作徵徵證也

蘭蕙香草以喻貽贈之辭身當佩服不待書紳

### 沈右率座賦三物為詠

幔拾遺記周穆王有鸞章錦幔

謝朓

幸得與君朧集作珠綴羃歷君之楹月映不辭卷風來輒自輕

每聚金鑪氣時駐玉琴聲但願置樽酒蘭釭當夜明

琵琶本起于胡中馬上所鼓

王融

抱月如可明琵琶之形似月懷風殊復清絲中傳意緒花裏寄春

情掩抑有奇態悽鏘多好聲芳袖幸時拂龍門空自生枚乘

七發龍門之桐其根半死半生詩言桐生龍門不若裁為樂器得親佳人

箎長尺四寸八孔蘇成公所作也

沈約

江南簫管地妙響發孫枝丹陽記江寧南有慈姥山積石臨江生簫管竹俗呼為鼓吹山

詩言江南之地產竹多良可為樂器孫枝尤其特異者也周禮孫竹之管鄭玄註孫竹竹枝根之末生也殷勤

寄玉指含情舉復垂雕梁再三繞輕塵四五移漢初虞公善歌聲動

梁塵楚莊有鳴琴日繞梁言其聲之遼亮也簾音亦宜然曲中有深意丹心君詎知

奉和月下

王融

雕雲度綺錢

雕雲猶采雲綺錢璧帶也西都賦金釭銜璧是為列錢註謂壁中之橫帶也行列綺錢

香風入珠網

乙之帳絡以隨珠和璧獨知此夜月依遲慕

神賞

此詩當是和人直密禁省中所作

奉和秋夜長

王融

秋夜長夜長樂未央

詩夜如何其夜未央

舞袖拂花燭歌聲繞鳳梁

列子韓娥過雍門鬻歌假食既去餘響繞梁三日不絕

四色詠

王融

此體盛於齊梁閒范雲有擬古四色詩云丹如栢公廟青如夕郎門黑如角巖嘯白如來山猿徒取

其色意義頗短與此詩相類  
又有分爲四首四句詠色者

赤如城霞起孫綽遊天台賦赤城霞起以建標李善註引會稽記曰赤城山名色皆赤狀似雲霞青

如松霧徹東方木於色爲青玉策記云千歲松柏望如偃蓋其中有物如青羊青牛黑如幽都

雲堯典朔方曰幽都北方色爲黑淮南子西北萬曰幽都之門凡八極之雲是雨天下白如瑤池雪

穆天子傳天子與西王母宴于瑤池遊黃臺之上北風雨雪

### 奉和纖纖

王融

古兩頭纖纖詩兩頭纖纖月初生半白半黑眼中精脰脰膊膊雞初鳴磊磊落落向曙星

兩頭纖纖綺上紋半白半黑鸞翔羣飛者謂之燕鳥白項而羣

烏也脰脰膊膊烏迷嚙磊磊落落玉石分老子云不欲碌碌如玉落落如石

### 奉和代徐二首

王融

魏徐幹室思詩曰自君之出矣明鏡開不知思君如流水何有窮已時宋孝武擬室思詩曰自君之出矣金翠闇無精思君如日月迴還晝夜生詩人以夫婦比君臣梁齊間多效其體二詩當云擬徐

自君之出矣芳蕝絕瑤卮蕝音序廣韻酌美酒也本亦作蕝詩醜酒有蕝思君如

形影寢興未曾離

自君之出矣金爐香不然思君如明燭中宵空自煎莊子膏火

白煎也

詠梧桐

王融

鸞鳳影層枝鳳非梧桐不棲輕虹鏡展綠雨過日出虹影映照二字形容物之生意豈

敦龍門幽直慕瑤池曲龍門之山梧桐所生瑤池之曲琴瑟所奏敦壤也都故反言不慕榮

貴所賦本然之性與前琵琶詩意相反蓋隨物賦詠也



詠池上梨花

舊本不載今添入

王

融

翻階沒細草集水閒疏萍芳春照流雪深夕映繁星

詠池上梨花

劉繪

露庭晚翻積風闌夜入多縈叢似亂蝶拂燭狀聯蛾

阻雪連句遙贈和

融集載同詠七人各賦絕句音韻相叶而不相犯意亦往來酬答題以聯句蓋宋齊間體也至唐則有人詠一韻兩句周而復始合成長篇者舊本止載江革王融二首姓名又差今添入倡首謝朓殿後沈約二絕足成聯句一篇外有王蘭謝旻謝綬三首辭意不相殊絕弗載

謝朓

積雪皓陰池北風鳴細枝九達密如繡何異遠別離

本相密邇

以阻雪  
疏闊

江革  
南史革字休映濟陽

考城人竟陵王引為西邸學士弱冠舉南徐州秀才歷官八府長史後為二千石

風庭舞流霰冰池結文澌  
霰凍雨也詩如彼雨雪先集維霰澌薄冰也初結遇風則成文

飲春雖以燠欽賢紛若馳  
以孫宏文欽賢館

王融

珠囊條閒響玉霽閣下垂  
囊音英雪霰也玉霽檐閣冰柱也閣與檐同杯酒不

相接寸心良共知  
淵明不在接杯酒

沈約

初所逸翮舉日昃駑馬疲幽山有桂樹  
劉安招隱士桂樹叢生兮山之幽

古文苑卷九

古

歲暮空參差

木蘭詩

舊註云不知名浙江西道觀察使兼御史中丞韋元甫聞續附入也

眉山蘇氏曰讀列女傳蔡琰二詩其辭明白感慨頗類世所傳木蘭詩東京無北格也建安七子猶含養圭角不盡發見況伯喈女乎蓋後人擬作而范曄荒淺遂載之本傳可以一笑也按此詩直述無含蓄意又在悲愼二詩之下然代父戍邊十二年人不知其為女若木蘭者亦壯而廉矣使載之列女傳緹縈曹娥將遜之蔡琰當低頭愧汗不敢與比肩矣杜牧有題木蘭廟詩云彎弓征戰作男兒夢裏曾經與畫眉幾度思歸還把酒拂雲堆上祝明妃

促織何唧唧木蘭當戶織不聞機杼聲惟聞女歎息問女

何所思問女何所憶女亦無所思女亦無所憶昨夜見軍

帖可汗大點兵軍書十二卷卷卷有耶名

耶以遮切今作爺俗呼父為爺

阿耶無大兒木蘭無長兄願為市鞍馬從此替耶征東市  
買駿馬西市買鞍韉南市買轡頭北市買長鞭旦辭耶孃  
去暮宿黃河邊不聞耶孃喚女聲但聞黃河流水鳴濺濺  
旦辭黃河去暮宿黑山頭不聞耶孃喚女聲但聞燕山胡  
騎聲啾啾萬里赴戎機關山度若飛朔氣傳金柝寒光照  
鐵衣將軍百戰死壯士十年歸歸來見天子天子坐明堂

策勳十二轉賞賜一作百千強可汗唐時蕃夷稱天子為大可汗問所

欲木蘭不用尚書郎樂府作欲與木蘭賞不願尚書郎願馳千里足送兒

還故鄉耶孃聞女來出郭相扶將阿姊聞妹來當戶理紅

妝小弟聞姊來磨刀霍霍向豬羊開我東閣門坐我西閒

牀脫我戰時袍著我舊時裳當窗理雲鬢挂鏡帖花黃出

門看火伴火伴皆驚忙同行十二年不知木蘭是女郎雄

兔脚撲握一作朔雌兔眼彌離雙一作兩兔傍地走安一作焉能

辨我是雄雌此作詩者以兔為戲詩誰知烏之雌雄

古文苑卷九

古文苑卷十

宋章樵註

勅啟書

手勅太子

漢高祖

漢書藝文志高祖傳十三篇固自注高祖與大臣述古語及詔策也此編或居詔策之一

吾遭亂世當秦禁學自喜謂讀書無益洎踐祚以來時方

省書乃使人知作者之意追思昔所行多不是

帝不事詩書及陸賈

奏新語未嘗不稱善正與此勅同意

又云堯舜不以天下與子而與他人此

非為不惜天下但子不中立耳人有好牛馬尚惜況天下

耶吾以爾是元子早有立意羣臣咸稱汝友四皓吾所不

能致而為汝來為可任大事也今定汝為嗣

史遷曰授舜則天下得其

利而丹朱病此云非為不惜天下皆以私意窺堯舜也大哉聖人之言曰大道之行天下為公故五帝官天下四皓

事見張良傳

又云吾生不學書但讀書問字而遂知耳以此故

不大工然亦足自辭解今視汝書猶不如吾汝可勤學習

每上疏宜自書勿使人也

漢世人主不以字學為重此勅蓋言不可不習耳晉宋而下至

於唐人主以字畫相誇至與人臣較工拙卑陋甚矣

又云汝見蕭曹張陳諸公侯吾

同時人倍年於汝者皆拜并語於汝諸弟

以此命太子諸王有古者尊敬

師傳之遺意如晉成帝拜王導并其妻則尊卑之分舛矣

又云吾得疾遂困以如意母

子相累

趙王如意母戚夫人

其餘諸兒皆自足立哀此兒猶小也

鳩毒

人獲之禍高祖蓋逆慮其至此孝惠懦弱以萬乘之主不能庇其弟亦可悲矣

啟元帝

晉明帝

晉書明帝諱紹字道畿元帝長子大興元年立為皇太子仁孝喜文辭

臣紹言伏蒙吉日沐頭老壽多宜謹拜表賀表答云春正月沐頭至今大垢臭故乃沐爾得啟知汝孝愛當如今言父子享祿長生也又啟云沐久勞極不審尊體何如答云去垢甚佳身不極勞也

遺公孫賢良書

鄒長倩

公孫弘以元光五年為國士所推上為賢良國人鄒長倩以其家貧少自資致乃解衣裳以衣之釋所著冠履以與之又贈以芻一束素絲一襪撲滿一枚書題遺之曰

漢書弘菑



川薛人也武帝初卽位弘以賢良徵爲博士使匈奴還報不合上意乃移病免歸元光五年復徵賢良文學菑川國復推上弘今漢書所載制誥及弘對策皆元光五年事是時弘已七十餘夫人無幽顯道在則爲尊幽顯謂人之窮達也道之所存不以窮達論雖生芻之賤也不能脫落君

子故贈君生芻一束詩人所謂生芻一束其人如玉小雅白駒

詩生芻一束其人如玉箋云此戒之也女行所舍士人之餼雖薄要就賢人其德如玉然五絲爲緝倍

緝爲升倍升爲絨倍絨爲紀倍紀爲纓倍纓爲襜此自少

之多自微至著也士之立功勳效名節亦復如之勿以小

善不足修而不爲也故贈君素絲一襜此言最精切士君子宜佩行之蜀先

主誠其子亦曰勿以善小而弗爲惡小而爲之撲滿者以土爲器以蓄錢具其有

入竅而無出竅滿則撲之土粗物也錢重貨也入而不出

積而不散故撲之士有聚斂而不能散者將有撲滿之敗

可不誠歟故贈君撲滿一枚大學曰貨悖而入者亦悖而出與其有聚斂之臣寧有盜

臣猗嗟盛歟國論推上賢良古人以為重事山川阻修加以風露次卿足

下勉作功名竊在下風以俟嘉譽次卿弘字漢書不載時儒者轅固亦謂之曰公

孫子務正學以言毋曲學以阿世

### 詣丞相公孫弘記室書

董仲舒

漢書武帝即位舉賢良文學之士仲舒以賢良對策天子以為江都相元朔三年御史大夫公孫弘為丞相封平津侯時仲舒廢為中大夫居家此書當在弘為御史大夫時漢御史大夫與丞相俱稱三公其後仲舒以廉直為弘所嫉出為膠西相尋以病免

江都相董仲舒叩頭死罪再拜上言君侯以周召自然休

質擢升又作拜

三公統理海內總緝百寮未有半言之教郡

國翕然望風更思改新以助至治羣眾所占必有成功仲

舒叩頭死罪仲舒愚戇素無治名大漢之檢式

言居官無改治聲名

應朝廷選擢之法大字上或脫一字

數蒙君侯哀憐之恩誤被非任無以稱

職仲舒竊見宰職任天下之重羣心所歸惟須賢佐以成

聖化願君侯大開蕭相國求賢之路廣選舉之門

高祖收攬英豪

下求賢詔皆相國佐之為一代宗臣故仲舒首推之

既得其人接以周公下士之義

周公一飯三吐舖一沐三握髮以下白屋之士

即奇偉隱世異倫之人各思竭愚

歸往盛德英俊滿朝百能備具即君侯大立則道德弘通

一作裕

化流四極仲舒愚陋經術淺薄所識褊陋不能贊揚

萬分君侯所棄捐

仲舒與弘俱治春秋為弘所疾

竊聞春秋曰賢聖博觀

以章其名擇善者從之無所不聽又曰近而不言為諂遠

而不言為怨

皆春秋傳緯之辭

故輒披心陳誠仲舒叩頭死罪死

罪夫堯舜三王之業皆由仁義為本仁者所以理

一作人

倫也故聖王以為治首或曰發號出令利天下之民者謂

之仁政疾天下之害於人

一作心

者謂之仁心二者備矣然

後海內應以誠惟君侯深觀往古思本仁義至誠而已方

今關東五穀咸貴家有飢餓其死傷者半盜賊並起發亡

不止

發謂調發以禦盜亡謂流亡以就食

良民被害為聖主憂咎皆由仲舒

等典職防禁無素當先坐仲舒叩頭死罪死罪仲舒至愚

以爲扶衰止姦本在吏耳宜一考察天下領民之吏畱心  
署置以民消滅邪枉之迹使百姓各安其產業無有寇盜  
之患以蠲主憂仲舒叩頭死罪謹奉春秋署置術按春秋  
爲署置羣吏之術隨此書奉再拜君侯足下法條

### 答劉歆書

揚雄

洪內翰邁曰世傳揚子雲輜軒使者絕代語釋別  
國方言凡十三卷郭璞序而解之其末又有漢成  
帝時劉子駿與雄書從取方言及雄答書以予考  
之殆非也雄自序所爲文初無所謂方言觀其答  
劉子駿書稱蜀人嚴君平按君平本姓莊漢顯宗  
諱莊始改曰嚴法言所稱蜀莊沈冥蜀莊之才之  
珍吾珍莊也皆是本字何獨至此書而曰嚴又子  
駿只從之求書而答云必欲脅之以威陵之以武  
則縊死以從命也何至是哉旣云成帝時子駿與  
雄書而其中乃云孝成皇帝反覆抵牾又書稱汝

頴之閒先漢人無此語也必漢魏之際好事者為之云

雄叩頭賜命謹至又告以田儀事事窮竟白案顯出甚厚

甚厚田儀與雄同鄉里幼稚為鄰長艾相愛視覬動精采

似不為非者故舉至之按文至字雄之任也不意淫迹暴

於官朝劉歆書云昨受慮五官郎中田儀與官婢陳徵駱驛等私通盜刷越巾事即其夕竟今舉者

懷赧而低眉任者含聲而寃舌知人之德堯猶病諸書知人則

哲推帝其難論語堯舜其猶病諸雄何慙焉叩頭叩頭又勅以殊言十五

卷君何由知之謹歸誠底裏不敢違信雄少不師章句亦

於五經之訓所不解常聞先代輶軒之使奏籍之書皆藏

於周秦之室歆書云詔問三代周秦軒車使者適人使者以歲八月巡路絕代語僮謠歌戲欲得其最

目按書道人以木鐸徇于路註道人宣令之官輶當讀爲  
迥古字通用在由反王書籍者曰藏室史老聃嘗爲之藏  
去聲及其破也遺棄無見之者獨蜀人有嚴君平臨邛林閭

翁孺者深好訓詁猶見輶軒之使所奉言翁孺與雄外家  
牽連之親又君平過誤有以私遇少而與雄也君平財有  
千言耳翁孺梗槩之法略有翁孺往數歲死婦蜀郡掌氏  
子無子而去而雄始能草文先作縣邸銘王俱頌階闈銘  
及成都城四堦銘蜀人有楊莊者爲郎誦之於成帝成帝  
好之以爲似相如雄遂以此得外見本傳成帝時客有薦  
雄文似相如者文選

李周翰註漢書云子雲嘗作縣竹頌成帝時直宿楊莊誦  
此文成帝曰此似相如之文莊曰非也此臣邑人揚子雲  
帝卽召見縣竹蜀  
之壯縣頌卽銘也此數者皆都水君常見故不復奏歆父  
向也

歆書多稱先君故此答之向嘗為護左都水使者前所為文向既常見歆宜習知之雄為郎之歲年

四十餘自蜀來游京師歲餘奏羽獵賦除為郎年七十一卒於天鳳五年計為郎之歲當在成帝元延年間自

奏少不得學而心好沈博絕麗之文願不受三歲之奉且

休脫直事之繇得肆心廣意以自克就有詔可不奪奉可

免直事之役仍給郎俸令尚書賜筆墨錢六萬得觀書於石渠三輔故事

曰石渠閣在未央殿北藏祕書之所如是後一歲作繡補靈節龍骨之銘詩

三章繡補疑是裊禱之類加繡其上靈節靈壽杖也漢書

自然合杖制不須削治龍骨水車也禁苑成帝好之遂得

池沼中或用以引水銘詩今亡不可復考

盡意故天下上計孝廉及內郡衛率會者四方所舉孝廉與上計者借及

諸郡兵士來衛京師雄常把三寸弱翰齋油素四尺以問其異語歸



卽以鉛摘次之於槩二十七歲於今矣

計雄是時年近七十葛洪西京雜記

揚子雲好事常懷鉛提槩從諸計吏訪殊方絕域四方之語以為裨補輜軒所載亦洪意也

而語言或

交錯相反覆方論思詳悉集之燕其疑

會集所未聞使疑者得所安

張

伯松不好雄賦誦之文然亦有以奇之常為雄道言其父

及其先君

謂祖以上

喜典訓屬雄以此篇目頗示其成者伯松

曰是縣諸日月不刊之書也又言恐雄為太玄經由鼠坻

之與牛場也

王充論衡揚子雲作太玄造法言張伯松不肯壹觀與之併肩故賤其言使子雲在伯松

前伯松以為金匱矣坻音疇場音傷皆糞也方言梁宋之間蚘蜉斜鼠之場謂之坻如其用則實五

稼飽邦民否則為坻糞棄之於道矣而雄般之

般蒲官切樂也伯

松與雄獨何德慧

漢人用慧字多與惠通

而君與雄獨何譖隙而當

匿乎其不勞戎馬高車令人君坐幃幙之中知絕遐異俗

之語歆書云不勞戎馬高車之使坐典流於昆嗣言列於

漢籍誠雄心之所絕極至精之所想邁也扶聖朝遠照之

明使君求此如君之意誠雄散之之會也歆書云隆秋之時收藏不殆饑

春之歲散死之日則今之榮也不敢有貳不敢有愛少而

不以行立於鄉里長而不以功顯於縣官者訓此於帝籍

但言辭情覽翰墨為士誠欲崇而就之不可以遺不可以

忘即君必欲脅之以威陵之以武欲令人入之於此此又未

定未可以見今君又終之則縊死以從命也且寬假延期

必不敢有愛雄之所為得使君輔貢於明朝則雄無恨何

敢有匿唯執事圖之

歆書云願頗與其最日得使入錄令聖朝畱明明之典

長監所

規繡之就死以為小雄敢行之

言當長以所規為監得輯成其書以死為輕

謹

因還使雄叩頭叩頭

### 遺令書四首

酈炎

後漢文苑傳酈炎字文勝范陽人有文才州郡辟命皆不就後病風慌忽性至孝遭母憂病甚發動妻始產而驚死妻家訟之收繫獄因病不能理對熹平六年遂死獄中時年二十八

維熹平六年冬十二月

靈帝年號

乃裂裳書

白巖考之神坐

易家人有巖君焉故稱父曰巖考

炎荷天之罪以致于死

名歿身弊神而有知炎之歸覲在旦夕之間耳若其無知

將何面目少見靈魂哉

有知謂精爽如生能察其情無知謂幽冥之閒與生者異途不能察

其死之因其自即安其自愛臣去矣古者父子之間亦稱臣亂矣永滅亡矣

白老母無懷憂懷憂何為無增悲增悲何施寒必厚衣無

炎誰為母厚衣暑必輕服無炎誰為母輕服棄炎無念此

常厚衣不尤不怨此常輕服矣炎病不省母已死念之若此可謂至孝根於性矣

聖人達於死生賢者力而慕之炎之中心私有所慕每讀

漢書楊王孫裸葬班固以為賢於秦始皇見本傳贊謂始皇起驪山墳窮

極奢侈設機械葬不數年為人所發掘西京雜記楊貴字王孫京兆人也生時厚自奉養死卒裸葬於終南山其子

孫掘土鑿石深七尺而上屍上復蓋之以石意常壯之然裸以見先人若炎不

為也其布巾取覆頭布衣用蔽形具棺取容身鑿地取容

棺若獲罪於眾耶石槨速朽

季桓子石槨孔子曰獨其罪死欲速朽事見禮記

哉堅固不加喪葬無瀆先君之兆域必於瘠确之處而已

呼甘陵夫人共居也

當是指其妻也華佗傳甘陵相夫人胎死腹中嘗從佗活炎妻新乳而死

故云

白興讓

當是兄之字按文闕兄字

考喪早葬立讓之等元昆勉之以老

母相累不可使老母無曹也加供養謝媿以老母相託若

死者復知必使其言不愧

嗟哉邈之遺孤其名曰止戈汝長自爲之寧咨爾止戈汝

未有所識吾謂汝有所識其先見汝耳汝未有所聞吾猶

謂汝耳有所聞而告汝人之喪也非父則母非昆則弟非

姊則妹人之孤也亂齒其少矣汝之孤也曾未滿兩旬汝

無自以為微弱物有微弱於汝者乃其長而繁焉后稷棄

之寒冰隘巷矣

詩生民載生載育時維后稷誕置之隘巷牛羊腓字之誕置之寒冰鳥覆翼之

汝

比之猶逸焉於菟之在虎乳極矣

左傳令尹子文生棄諸夢中虎乳之楚人謂乳

穀謂虎於菟故命之曰鬪穀於菟穀奴口反

汝比之猶易焉乃終不在乃始在

在懼惟生無懼管蔡之逸厥終乃不逸之易厥終不易言

吝嗟止戈汝能言則讚之顧言汝能行則履我之所訓剛

焉柔焉弱焉強焉學焉愚焉仕焉隱焉懼汝身之柔可不

厲汝以剛乎懼汝之剛可不厲以柔乎懼汝之弱可不訓

汝以強懼汝之愚可不勸汝以學懼汝之隱可不勅汝以

仕乎消息汝躬調和汝體思乃考言念迺考訓必博學以

著書以續受父母久業我十七而作酈篇二十四而州書

矣二十七而作七平矣酈篇州書皆字學之書  
七平蓋倣枚乘七發體其賦誦誅

自少爲之苟吾戒汝剋從剋必也祭爲甘苟示試恐是誠字汝克

違梁莫爲苦以稱梁祭則有庶羞古字只作梁  
司馬遷傳糲梁之食後人添從米汝無逸于

邱無涵于酒無安于忍事君莫如忠事親莫如孝朋友莫

如信修身莫如禮汝哉其勉之下邳衛府君我之諸曹掾

督郵濟北甯府君我由之成就陳畱韓府君察我孝廉陳

畱楊使辟我右北平從事祭酒四人舉  
辟炎者今我溺于地下思

恩則孤而靡報汝有可以倒戟背戈無孤之矣身死不能  
報期其子

報之陳畱蔡伯喈與我初不相見吾仰之猶父不獲以爲兄

彼必愛以爲弟九江盧府君吾父事之二人炎之所尊事本傳云盧植爲之

誄讚豈

府君耶

張公哀張子傳幼業王延壽王子衍我之朋友也

四人炎與之友

鮮于中優吾先姑之所出也若不足焉表親之賢若不足於

財汝苟足往而朝覲之汝不敏往從之學焉汝苟往取任

焉咨爾止戈吾蔑復有言焉其永覽于此

### 爲劉表與袁尚書

王粲

按史袁紹字本初漢末領冀青幽并四州建安五年曹公操大破紹兵於官渡七年紹憂憤發病死初紹妻劉氏愛幼子尚數稱其才紹亦奇其貌欲以爲後乃出長子譚爲青州都督沮授諫紹必爲禍紹不聽及是審配等奉尚代紹位譚至不得立由是譚尚有隙舉兵相攻是時劉表據荊州王粲



依之因為修書譚尚勸其復好息  
兵與譚書漢書載之詳略少異

表頓首頓首將軍麾下勤整六師芟討暴虐戎馬斯養

古者

天子六軍此借稱斯讀  
作廡養去聲奴僕輩也

罄無不宜甚善甚善河山阻限狼

虎當路

虎狼指阻  
兵爭強者

雖遣驛使或至或否使引領告而莫達

初聞郭公則辛仲治

郭圖辛評二人與譚  
為黨書以字稱之

通內外之言造

交遘之隙使士民不協姦釁並作聞之愕然為增忿怒校

尉劉堅皇河田買等前後到到得二月六日所起書又得

賢兄貴弟顯雍及審別駕書

劉堅田買皆所遣至使人賢  
兄指譚也魏志譚字顯思熙

字顯奕尚字顯甫吳書曰尚有弟名買顯雍豈買之字漢  
書熙字顯雍乃尚兄也審配為冀州別駕有書貽表榮亦

為修書以  
答之矣

陳敘事變本末之理乃知變起辛郭禍結同生

追闕伯實沈之蹤忘棠棣死喪之義

左傳高辛氏有二子長曰闕伯季曰實沈

不相能也日尋于戈詩閔管蔡之失道故作棠棣其詩曰死喪之威兄弟孔懷

親尋于戈僵屍流

血聞之哽咽若存若忘乃追案書傳思與古比昔軒轅有

涿鹿之戰周公有商奄之軍

史記黃帝名軒轅與蚩尤戰于涿鹿之野三監挾武庚以

叛周公伐之遂伐奄

皆所以翦除災害而定王業者也非強弱之爭

喜怒之忿也是故雖滅親不為尤誅兄不傷義也

孟子周公弟也

管叔兄也

今二君初承洪業纂繼前軌進有國家傾危之慮退

有先公遺恨之真當唯曹氏是務不爭雄雌之勢唯國是

康不計曲直之利雖蒙塵垢罪下為隸圉圻入汙泥猶當

降志辱身方以定事為計何者夫金木水火以剛柔相濟

然後克得其和能爲民用

左傳天生五材民並用之

若使金與金相迕

火與火相爛則焦然摧折俱不得其所也今青州天情峭

急迷於目前曲直是非昭然可見仁君智數引大綽有餘

裕

青州指譚仁君指尚

當以大包小優容劣歸是於此乃道教之和

義士之行也縱不能爾有難忍之忿且當先除曹操以卒

先公恨事定之後乃議兄弟之怨使記注之士定曲直之

評不亦上策邪

記注史官也理之曲直付之史筆蓋言天下自有公論

且初天下起

兵以尊門爲主是以眾寡喁喁莫不樂袁氏之大也今雖

分裂有存有亡嚮然景附未有革心若仁君兄弟能悔前

之謬克已復禮以從所驩則弱者自以爲強危者自以爲

寧誠欲戮力長驅共獎王室雖亡之日猶存之願今能克去私忿

以同尊漢朝為心紹雖云亡猶其生存之志願則伊周不足三五霸不足六也若

使迷而不返遂而不改則戎狄蠻夷初紹與曹公言吾東據河北阻燕代兼戎

狄之眾南向以爭天下將有誚讓之言况我同盟復能戮力為君之

役哉則是大公墳壠將有汗池之禍夫人弱小將有滅族

之變大公猶言尊公指其父紹夫人指其母劉氏弱小謂其家之幼稚汗池言人將絕滅其宗邱墓壞為池沼

左傳吳其為沼乎彼之與此豈可同日而論之哉且行違道以自

存猶尚不可況失義以自亡而遺敵之禽哉此韓盧東郭

自困於前而遺田父之獲也戰國策韓子盧者天下之壯犬也東郭逡者海內之狡兔

也韓子盧逐東郭逡環山者五兔困於前犬疲於後田父見而兩獲之以喻好戰必自弊昔齊公孫竈

卒子晏子知子期之不免也注以其不臣故曰二惠競爽猶可

杜預注子雅子尾皆惠公之孫競強也爽明也又弱一个姜氏危哉左傳昭三年齊公孫竈卒

晏子曰惜也子期不免殆哉姜氏弱矣二惠競爽猶可又弱一个焉姜其危哉三子皆齊公族姜齊姓也言兄弟同

德則齊猶庶幾以諭譚與劉左將軍及北海孫公佑共說

尚協心則袁族可保此事未嘗不痛心入骨相為悲傷也左將軍劉元德北海太守孫公佑時在荆

州今整勒士馬憤踊鶴立翼聞和同之聲約一舉之期故

復遣信并與青州書若其泰也則袁族其與漢升降乎若

其否也則同盟永無望矣重遣書與譚尚兄弟併勸勉之以義泰謂和睦如初否謂終於

乖戾臨書愴恨不知所言劉表頓首不三四年袁氏竟為曹操所滅劉表卒亦

以廢嫡立庶

亡禍同一轍

與楊太尉書論刑楊修

曹操

魏志楊修太尉彪子也字德祖舉孝廉除郎中丞相請署倉曹屬主簿時軍國多事修總知內外事皆稱意臨菑侯植以才健愛幸數與修書植後以驕侈見疏太祖既慮終始之變以修頗有才策而又袁氏之甥也於是罪誅之洪內翰邁隨筆云古文苑載操與彪書數修之罪以為恃豪父之勢每不與吾同懷將延足下尊門大累便令刑之是時漢室將亡政在曹氏袁公四世宰相為漢宗臣固操之所忌彪之不死其亦幸矣嗚呼危哉

操白與足下同海內大義足下不遺以賢子見輔比中國

雖靖方外未夷今軍征事大百姓騷擾吾制鐘鼓之音主

簿宜守所謂以罪誅之而足下賢子恃豪父之勢每不與吾同懷

即欲直繩顧頗恨恨謂其能改遂轉寬舒復即宥貸將延

足下尊門大累

設辭以恐讐之

便令刑之念卿父息之情同此悼

楚亦未必非幸也謹贈足下錦裘二領八節角桃杖一枝

桃枝竹為杖

官絹五百匹錢六十萬四望通幟七香車一乘

說文

幟車幔也以七種香木為車

青犢牛二頭

牛所以駕車者

八百里驊騮馬一匹

赤戎金裝鞍轡十副

以金飾鞍薦以戎坐

鈴苞一具驅使二人并遺

足下貴室

夫人袁氏也故袁答卜書云明公所賜已多

錯綵羅縠裘一領織成

鞞一量有心青衣二人長奉左右所奉雖薄以表吾意足

下便當慨然承納不致往返

厚贈欲以慰其心

### 答曹公書

楊彪

彪白雅顧隆篤每蒙接納私自光慰小兒頑鹵謬見采錄

不能期效以報所愛方今軍征未暇其備位匡政當與戮  
力一心而寬玩自稽將違法制相子之行莫若其父恆慮  
小兒必致傾敗足下恩恕延罪迄今近聞慰之日心腸酷  
裂凡人情誰能不爾本傳操見彪問曰公何瘦之甚對曰  
愧無日碑先見之明猶懷老牛舐犢  
之愛操深惟其失用以自釋遜辭以所惠馬及雜物自非  
爲改容親舊孰能至斯省覽眾賜益以悲懼

### 曹公卞夫人與楊太尉夫人袁氏書

魏志卞氏琅邪開陽人本儒家曹公納之於譙後  
丁夫人廢遂爲繼室生子丕彰植丕受漢禪尊爲  
皇太后

下頓首貴門不遺賢郎輔佐每感篤念情在凝至賢郎盛



德熙妙有蓋世文才闔門欽敬實用無已方今騷擾戎馬  
屢動主簿股肱近臣征伐之計事須敬咨官立金鼓之節  
而聞命違制明公操時爲魏公故內外俱稱明公性急忿然在外輒行軍  
法卞姓當時亦所不知言不能救止之自稱卞姓尊於稱某氏聞之心肝塗  
地驚愕斷絕悼痛酷楚情自不勝夫人多容卽見垂恕故  
送衣服一籠文絹百匹房子官錦百斤製字錦從金帛言其貴於綾羅價與  
金等故以斤論不較端匹私所乘香車一乘牛一頭誠知微細以達往  
意望爲承納

### 楊太尉夫人袁氏答書

夫人袁術姊妹也術字公路漢末僭號本傳操  
忌修且以袁術之甥慮爲後患遂因事殺之

彪袁氏

稱袁氏加夫名於上執謙以自卑

頓首頓首路跂雖近不展淹久

歎想之勞情抱山積曹公匡濟天下遐邇以寧四海歸仰

莫不感載小兒疏細謬蒙采拾未有上報果自招罪戾念

之痛楚五內傷裂尊意不遺伏辱惠告見明公與太尉書

具知委曲度子之行不過父母小兒違越分應至此憐其

始立之年畢命埃土遺育孤幼

修子懿知名晉世

言之崩潰明公

所賜已多又加重賚禮頗非宜荷受輒付往信

### 與鍾繇九日送菊書

魏文帝

文選有魏文帝與繇書言王缺氣讐辭卑不若此書整暇信乎人不可有欲心也

歲往月來忽復九月九日九為陽數而日月並應俗嘉其

名以爲宜於長久故以享宴高會是月律中無射言羣木

庶草無有射地而生史記律書無射者陰氣盛用惟芳菊

紛然獨菲非夫合乾坤之純和體芬芳之淑氣孰能如此

故屈平悲冉冉之將老思餐秋菊之落英屈原名平離騷曰老冉冉其將

至兮恐修名之不立飲木蘭輔體延平莫斯之貴謹奉一

束以助彭祖之術列仙傳彭祖殷大夫也姓錢名鏗歷夏殷末八百餘歲常食棊之善導引術

古文苑卷十終